

Aunke Hof a declara sentencia den caso Tulipan irreversible, ex minister Besaril ta bay bringa su caso den Cassatie



Pagina 3

- **Parlamentario Stephany Sevinger a pidi atencion pa studiantenan Rubiano na Hulanda**

Pagina 6

- **Confiansa di ciudadanonan Hulandes den politica ta historicamente abou**

Pagina 9

- **Alcalde di Istanbul deteni lo ser interroga tocante cargonan di spionaje**

Pagina 22

OABA t'ey pa duna e cantidad di oportunidad necesario pa sigura capacitacion di trahadonan



Pagina 2

Eleccion na Argentina ta pone mandato di Presidente Milei y respaldo di Merca na prueba



Pagina 10

Rusia a test un misil nobo cu capacidad nuclear



Pagina 16

Grupo grandi na Aruba no tin ningun diploma ni certificado

OABA t'ey pa duna e cantidad di oportunidad necesario pa sigura capacitacion di trahadonan

Scol di ofishi di anochi, OABA, por ta e contesta pa e cantidad di 'drop outs' y personanan sin diploma algun. Y nan ta relativamente hopi. Trahadonan na Aruba sin diploma, ni certificado ta nifica cu nan oportunidad pa bay dilanti ta hopi limita.

Carlos Martinus, Director di OABA a bisa cu e meta ta pa por brinda e grupo aki un di dos, di tres, di cuater of hasta mas oportunidad.

Manera ta conoci Avondleergangen a cambia pa OABA, Openbaar Avond Beroeps Onderwijs (Enseñansa Profesional Anochi di Aruba) na 2022. Carlos Martinus a bisa cu ta un reto personal di dje tabata pa e scol di anochi ta mescos cu esun di Corsou. Awor Corsou ta pasando algun reto, pero en todo caso esun na Boneiro si ta cana hopi bon. "Nan ta hopi mas dilanti pasobra nan tin e fondo. Pero Corsou tin e scol di anochi ya pa 45 aña, comparable cu nivel uno te cu cuater. Nan tabatin e avond MTS."

Locual Martinus a bisa cu e tabata duro pa experiencia e tempo cu aki tambe a cuminsa cu avond MTS y tabatin hopi interes, pero cu segun luna tabata pasa, mita di e studiantenan ta cay afo. "Ta studiantenan cu ta den edad unda nan ta haya pareha, ta haya yiu, problema na trabou, mester gana placa, kier cumpra auto. E ta logico pa e temporada di edad." E Director ta bisa cu no por huzga pasobra esnan cu si a logra "hopi biaha tabata pasobra nos tabatin mayor cu tabata yuda, nos tabatin net un tiki mas perseverancia cu otro y tambe hopi suerte. Pasobra bida hopi biaha ta suerte."

Como tal Martinus tabata contento di a organisa un prome encuentro pa e plan nan pa cuminsa cu programan MBO na nivel dos te cu cuater. E interes tabata grandi, cu alrededor di 135 hende cu a muestra disponibilidad pa cuminsa scol anochi.

Pero "nos no por a tuma ni mita di nan. Nos ta yama nos mes e di dos oportunidad pa enseñansa y nos ta manda hende cas?" Motibo tabata cu un gran cantidad di e per-



sonanan interesa no tabatin ningun tipo di diploma, ni certificado. Nan tabatin unicamente scol basico y kizas a bay MAVO, HAVO, pero tabata 'drop-outs' sin papel. "Nos mester a bay Minister, pa reevalua y restructura e plannan. Pasobra un gran cantidad no por a cuminsa e programan na nivel dos, cu ta locual ta duna na EPB. Nan mester tin e minimo di diploma."

Locual a sali afor cu Aruba mester tabatin mester di programa educativo na nivel di asistente. "Casi nan ta birando e grupo mas grandi. Tin asina hopi estudiante na Aruba cu no a caba scol. Nan no tin nada. Ademas, tin hopi alumno di EPB cu tampoco a caba. Y nan ta e grupo obhetivo."

Mas ainda, EPB no kier brinda programan educativo na nivel uno y ta duna unicamente nivel dos. EPI ta duna nivel tres y cuater. Consecuentemente, na 2024 a cuminsa cu scol di anochi na nivel uno. Di otro banda, studiantenan cu no a caba HAVO, por ehempel lo drenta nivel dos of hasta tres, basa riba evaluacion. "Nos no kier stroba ningun hende. Nos kier pa tur bay dilanti," Martinus a enfatisa. Den e sentido

aki, Carlos Martinus ta sinti cu OABA, of scol di ofishi di anochi, no ta competi ni cu EPB ni EPI sino ta complementa e sistemanan aki. Su speranza ta cu henter e trayectoria di enseñansa profesional ta cay bou un sistema. "Si nan sa kico OABA ta haci y nos sa kico nan ta haci, nos ta traha miho cu otro." Havertong a agrega cu locual scol di ofishi di anochi ta brinda ta un di dos oportunidad. "Si pa un of otro manera bo no ta logra na EPB, y ta bay traha, por acudi aki pa haya un diploma toch." Martinus a subraya cu e scol ta pa duna mas chens posibel, y como tal ta habri pa tur cu pa un of otro motibo no por a caba nan programa y kier cuminsa atrobe.

Hunto Carlos Martinus y Reggie Havertong tin casi 70 aña den enseñansa profesional, cu ta inclui trabou na Hulanda y Aruba. Ambos ta compronde e balor di enseñansa profesional practico y ta mira e importancia pa yega na esnan cu pa un of otro motibo no por a logra ningun diploma escolar. "Locual mi a gusta na Hulanda ta cu cambianan den e sistema di e tipo di enseñansa aki ta, cu e ta bin di ariba. Y si no cumpli, ta corta mesora den e fondonan destina pa e programa.

Na Aruba, ta esnan cu ta traha, manera nos, tin cu bin cu cambianan y purba convence autoridadnan." Segun Havertong, motibo ta cu na Direccion di Enseñansa no tin suficiente conocimiento di enseñansa profesional, cu ta nifica cu "nos cu conoce esaki, mester motiva nan, pa tuma e pasonan necesario.

E forma con Martinus ta referi na e studiantenan ta ilustra e sentimentonan cu e tin pa tur cu ta drenta y hasta pa esnan cu pa un of otro motibo no por a sigui. Y hopi biaha, e motibo pa e ultimo no ta falta di dedicacion di e studiantenan sino circunstancianan personal. Pero si tin algo cu mester duna nan speranza ta cu OABA semper tin su portanan habri pa sigui brinda opcion pa studia.

"Nos meta ta pa saca tur e hobennan cu awor ta gana na placa ta yena saco di comestible y otro tipo di trabou asina pa drenta e programan educativo di OABA. Pasobra asina cu drenta den e programa, lo tin trabou pa e persona. Nos reto grandi si ta cu nan ta cuminsa cu sueldo minimo, mientras cu yena saco por genera dos mil florin facil. Mester papia cu e industria como tal, cu si kier

hende pa traha, nan mester cuminsa paga miho," Martinus a ilustra.

E trayecto ta reparti di tal forma cu si caba nivel dos, e persona tin e capacidad por ehempel, di ta un monteur diploma. Nivel tres ta nifica cu e persona e ora por guia un hende cu tin nivel dos. "Y nivel cuater ta nifica cu e persona, unabez diploma, por bira un gerente, supervisor, unda e mes lo haci calculacion, preparacion di trabou."

Havertong a bisa cu e motivacion den e grupo di anochi, pero e no ta sosode sin esfuerso. Asina cu ta ripara cu un ta keda sin atende les un anochi, mesora ta yama nan y puntra kico ta pasando. "Nos kier pa nan sinti cu nan ta importante," Martinus a agrega. "Nan ta sinti nan mes aprecia." E team chikito di OABA ta haci e yamadanan pa combersacion personal y asina motiva e studiantenan pa nan no perde animo. "El a traha pasobra nan ta sinti nan mes balora. Hopi ta aki nan pa un motibo."

E programan ta tres biaha pa siman, cuater ora di les (45 minuut) pa anochi. Di 6:15 di atardi pa 9:30 di anochi, cu un pause di 15 minuut. Ademas nan ta haya tarea pa haci na cas. "Mayoria ta trabou digital, cu nan mester manda pa nan docente pa controla." Banda di e componente practico, studiantenan ta haya Hulandes, Ingles y Papiamentu. Tambe ta haya e asina yama 'Loopbaanbegeleiding,' "cu ta similar na e modulo 'Persoonlijke Vorming.'" Otro les ta di rekenen, mientras cu ta duna escogencia pa informatica. Algo importante di e lesnan ta teoria di e ofishi, cu ta sostene e practica. "Si nan ta haci electro, nos lo kier pa nan busca trabou den e ramo."

Bon Dia Aruba tabata presente ora cu Claudia Whitfield, Director di Enseñansa tabata preparando pa hiba un estudiante pa su stage. "E estudiante ey ta pasa su stage y aki e ta haya teoria di e ofishi cu ta yud'e compronde kico ta rekeri na trabou, den otro palabra conecta teoria cu trabou." Ta un asistencia cu tur estudiante di OABA ta ricibi.

Aunke Hof a declara sentencia den caso Tulipan irreversible, ex minister Besaril ta bay bringa su caso den Cassatie

Manera ta conoci si-man pasa Corte Comun di Husticia (Hof) a dicta sentencia den e caso penal contra sospechoso G.F.B., ex-minister Plenipotenciario di Aruba na Hulanda. E caso aki, conoci como Tulipan, ta trata di malversacion di fondonan publico y abuso di funcion durante e periodo di 2017-2022 na Arubahuis.

Segun Ministerio Publico a informa den un comunicado di prensa, abogado di ex-minister Besaril a entama apelacion dia 30 di juni 2025. Sinembargo, Corte a rechasa e apelacion.

E abogado a informa anteriormente dia 27 di juni 2025, mediante un e-mail pa griffie y Ministerio Publico cu e sospechoso kier bay den apelacion. E e-mail aki a wordo ricibi 5:18pm.

E punto di bista di Ministerio Publico durante e tratamento di e apelacion entama ta cu como cu e sentencia a ser dicta dia 13 di juni 2025 contra G.F.B. "op tegenspraak", e sospechoso mester a apela no mas laat cu 27 di juni 2025. Segun jurisprudencia constante di Corte Supremo, un recurso legal ta considera den termino di apelacion solamente si e ta entrega den ora di trabao di e griffie. Segun website di Corte, e griffie ta cera 4:00pm. Pues griffie tabata cera caba 5:18pm. P'esey e apelacion ta ser considera di ta entama e siguiente dia di trabao. Esey no ta den e termino den cual e apelacion por a ser entama. Hof a dicta sentencia conforme e punto di bista di



Ministerio Publico y a declara e apelacion di G.F.B. no admisibel. Cu esaki e sentencia di 13 di juni 2025 ta irreversible.

Algun dia despues a bira conoci, a traves di medianan di comunicacion local, cu Besaril lo apela su caso den Cassatie. Esaki a trece algun pregunta tocante con e proceso lo cana y con esaki lo funciona mirando cu e caso mes no a ser trata den corte di apelacion, y adicionalmente OM a declara e sentencia di 13 di juni 2025 irreversible.

Bon Dia Aruba a tuma contacto cu Ann Angela di OM pa puntra si apelacion den Cassatie ta un opcion aunke no a trata e caso den apelacion; ora e sentencia bira definitivo OM por ehecuta esaki mesora, kico ta e plan pa e ex minister plenipotenciario; mirando cu tin tanto ex-min-

ister a bay cera si lo tin algun gesto di cortesia na momento di detencion; y por ultimo si ta considera probable cu Cassatie lo trata e apelacion si e no tin veredicto di apelacion na Aruba.

Pa loke ta e pregunta si apelacion den Cassatie ta un opcion aunke no a trata e caso den apelacion, Sra. Angela a indica cu si ta un opcion pa Besaril pa apela su caso den Cassatie.

Contestando e pregunta ora e sentencia bira definitivo OM por ehecuta esaki mesora, kico ta e plan pa cu ex-minister Besaril, el a splica cu una bes e sentencia bira definitivo e lo ser ehecuta.

Riba e pregunta mirando cu tin tanto ex-minister a bay cera si lo tin algun gesto di cortesia na momento di detencion, Angela a sigura cu

ex-minister Besaril lo ser trata igual y mesun bon cu tur otro persona cu ta haya nan mes den situacion asina.

Por ultimo, contestando e pregunta si ta considera cu Cassatie lo trata Besaril su apelacion si e no tin un veredicto di apelacion na Aruba, el a bisa "claro, e ta su derecho."

Ta un hecho cu Corte Superior no ta trata sentencia di Corte di Prome Instancia, cual ta loke ex minister Besaril tin, di fecha 13 di juni. Mester tin un veredicto unda cu nan a trata e apelacion, cual no a sucede pasobra Besaril su apelacion a ser declara no admisibel, pues no tabatin tratamiento. Teniendo e puntanan aki na cuenta, no tin sentido pa apela.

E pregunta cu ta keda ta si Cassatie lo trata e caso aunke no tin un sentencia di apelacion. Caminda pa Corte Superior semper ta keda habri y ta derecho di e sospechoso pa bay Cassatie, pues niun hende no por strob'e di entrega e apelacion, aunke tin un posibilidad cu e caso lo por ser rechasa.

E caso

Na juni, Corte den Prome Instancia di Aruba a dicta sentencia den e caso penal Tulipan, den cual ex-minister Besaril y ex-director interino di Arubahuis, Glenn Ling tabata acusa di malversacion di casi 200 mil florin y abuso di nan posicion como ambtenaar. Ambos a keda condena.

Caso penal Tulipan ta regarda irregularidadnan financiero den Arubahuis durante tempo cu Besaril tabata fungi como Minister Plenipotenciario y Glenn Ling como director interino. Segun corte, di e investigacion a keda proba cu ex-minister Plenipotenciario Besaril a malversa placa door di laga Arubahuis paga pa e gastonan di uso di telefon priva, di vivienda y biahenan priva.

Ademas Besaril a haci uso di e carchi di banco di Arubahuis pa cubri gastonan personal y priva pa haci compras y come na restaurant. Tambe el a contrata un compania pa servicio di PR, cu ta pertenece na un conoci di dje, mientras cu Arubahuis tabatin un departamento di PR caba.

Hues a remarca cu Besaril, cu su actonan, a afecta e integridad di un instancia manera esun di Arubahuis y a enfatisa cu na momento di haci uso di placa di pais Aruba, e placa mester ser usa pa loke e tabata ser destina y no pa algo otro cu no ta relaciona cu su funcion y cu na final dia lo a duna un beneficio personal.

Hues a splica cu Besaril a beneficia personalmente di e uso di fondonan di pais Aruba y Arubahuis. El a remarca cu el a laga Arubahuis paga pa su propio beneficio, pa cosnan priva y a mal usa su funcion y a mancha e integridad di Arubahuis.

Ademas el a subraya cu Besaril no parece di reconoce e seriedad di su actonan y tabata punta dede riba otronan.

Pa loke ta su condena, hues a splica cu a tene cuenta cu e puntanan pa cual el a haya vrijspraak y e hecho cu e no tin antecedente cu husticia, a dun'e un castigo mas abao di locual fiscal a exige inicialmente.

Hues a condena ex minister Plenipotenciario Besaril cu 20 luna di prison, di cual 10 luna ta condicional y tres aña di prueba, kitando loke el a sinta caba den KIA.

Pa loke ta e caso di expropiacion, hues a indica cu Besaril mester paga mas di 138 mil florin y si no paga esaki, e lo ricibi un castigo di un aña di prison.



Un Siglo di Recuerdo: Honrando Digna Lacle-Herrera su legado cultural y educativo

Diamars 28 di october 2025 Biblioteca Nacional Aruba lo ta e escenario di un evento special titula “Un Siglo di Recuerdo”, dedica na memoria di Digna Lacle-Herrera (d.f.m.), figura prominente den historia cultural, literario y educativo di Aruba.

E actividad, cu ta un homenage na su centenario (1925–2025) y lo reuni hendenan di cultura, arte y educacion pa celebra e legado rico di Lacle-Herrera, cu tabata conoci como maestra, poeta, autora, compositora, politico y pionera social. Durante su bida, Digna a traha incansablemente pa promove e derecho di hende muhe y di mucha, y su amor pa idioma Papiamentu a marca tur e obra cu a laga atras.


Den colaboracion cu Astrid Britten, Departamento di Cultura Aruba y Mirto Lacle, Biblioteca Nacional lo presenta un programa multidisciplinario cu ta integra literatura, arte, educacion y musica. E evento lo inclui declamacion, presentacion di documental, charla cultural y canto, tur cos den ambiente inspira pa e obra di Digna Lacle-Herrera.

Sr. Sergio Tjie-A-Loi, lo duna un splicacion y presenta un fragmento di un documental titula “Después di bo”, produci pa René Maduro. Ademas, Mirto Lacle lo guia un recorrido emotivo pa repasa e herencia y legado literario di Digna, abarcando su poesia, prosa y drama.

E parti musical ta den man di Maybelline Arends-Croes, cu banda y ex-miembronan di grupo Tutti Frutti, incluyendo cantantenan Hilyanne Croes, Mandy Villasmi y Kiziah Trimon. Nan lo interpreta un seleccion di cancion cu Digna Lacle-Herrera a compone hunto cu Maybelline, entre otro tema inspira.

E pianista Johnny Scharbaay y su banda lo duna su aporte musical durante anochi, entreteniendone publico y compañando e cantantenan na escenario.

Tjie-A-Loi a expresa durante e conferencia di prensa cu pa su persona tabata un placer di por a graba cu Digna pasobra apart di ta un persona cu un conocimiento profundo, hopi



biaha despues cu nan no t’ey mas hendenan ta corda di tanto cos cu por a puntra y cu e documental aki e tabatin e oportunidad ey.

“Mi tabata hopi honra, te ainda, di por a combersa, wak parti di su bida, ta na su cas y combersa cune y sa cosnan cu mi no tabata sa. E parti pa cuminsa graba tabata algo special pasobra a graba cune pa cuminsa e programa na lama y e no tabata mobil, pues tabata un trabou grandi pa haya e rolstoel special, pero eynan a cuminsa e storia,” el a indica.

El a splica cu e manera con nan a haci entrevista tabata diferente pasobra y a hacie diferente compara cu entrevistanan normal. “Pa nos tabata importante cu no a entrevistador tabata na palabra, pero e persona cu ta ser entrevista ta na palabra y esey tabata e secreto di e documental pasobra despues cu e persona no t’ey mas por scucha di su mesun palabranan back,” el a agrega.

Pa loke tabata preguntanan cu a haci Tjie-A-Loi a splica cu tabatin diferente preguntanan cu a haci na su persona y difunto Digna a splica detaya con e tabata haci su poesia, diferente parti ora cu e ta skirbi, y e proceso.

Durante e conferencia Sra. Fatima Kelkboom, un sobrina di Digna Lacle-Herrera, a conta un poco di su relacion cu su tanta.

“Mi tabata hopi pega cune e ultimo añanan door cu su casa a fayece y el a keda su so. Mi a bay yud’e, cuid’e, dun’e su cuido y atencion cu e tabatin mester,” el a expresa. El a sigui conta cu despues di tempo su tanta a cuminsa bira un poco mas malo y e ora nan mester a busca hende pa yuda tambe pasobra el a bira grandi y su so no tabata por. semper el a stima nos.



El a splica cu su tanta Digna no tabatin yiu, pero el a sigura cu el a stima tur su sobrinanan mescos cu ta su yiu nan ta, y nan tambe tabata stima nan tanta Digna. “El a stima tur su sobrinanan mescos cu si nos tabata su yiu. Ami tambe semper a stima mi tata. Tur cos cu mi a haci den mi bida mi a conseha cune y esey ta loke cu mi ta disfruta di dje,” el a expresa.

Sra. Fatima a sigura cu su tanta tabata un persona cu a cumpli cu tur su meta y deseonan prome cu el a fayece. “Mi tabata a haci tur cos cu e tabata desea den su bida. El a biaha mundo y mi no ta kere cu el a bay laga un deseo atras. El a bay y cumpli cu tur su deseonan,” el a bisa.

Casa di Sra. Fatima, Sr. Edgar Kelkboom di su banda a conta cu e semper tabata banda di su casa pa yuda ora cu mester di yuda Digna. El a expresa cu Digna tabata un persona cu tabata comparti cu su y musica y semper e tabata compone cancionnan y pidie

pa conseho, pa traha musica pa e composicionnan.

El a agrega cu tambe semper e tabata presente na e conciertonan di musica di su scol. “25 aña largo tur fin di aña Digna tabata presente y tabata anima nos pa sigui ya cu nos ta un scol cu ta echt comparti pa cultura di Aruba, y yuda muchanan pa nan no bay den mal caminda. E tabata un persona cu semper a zorg pa esey y yuda nos. Nos a keda masha agradecido te despues di su morto, ainda nos ta agradecido na tur loke nos a siña di dje, un persona hopi inteligente y cu tin e capacidad pa kico cu bay malo e ta drech’e. E no t’ey mas, pero su legado a keda grandi. No pa nos, pero pa henter Aruba,” el a enfatisa.

“Un Siglo di Recuerdo” ta un invitacion pa henter pueblo di Aruba pa celebra y honra un persona cu a dedica su bida na educacion, cultura y idioma Papiamentu.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Dilma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Nos joyanan lubida di Aruba

Den e transcurso di tempo riba Aruba, nos a yega di mira varios diferente establecimiento cu a bira puntonan importante y hopi stima pa nos pueblo y bishitantenan.

Entre nan, tin e joya talbes lubida pa hopi, Bali Restaurant cu tabata situa na loke awo nos ta conoce como Renaissance Marina. Bali Restaurant antes tabata un 'hot spot' local y turistico, y awendia ta considera un joya perdi riba e isla.

Conoci como e restaurant flotante, Bali a habri prome den 1955 den man di Willem "Bill" Stryland, ken tabatin experiencia den cuminda Javanese. Na e tempo aki, e restaurant tabata uno basta exclusivo - cu espacio pa 25 persona so. Sinembargo, 4 aña despues, el a ser nombra e miho restaurant den Caribe pa Caribbean Tourist Association.

E restaurant tabata probablemente esun mas iconico pa su exterior inspira pa cultura Javanese y su daknan unico. Sinembargo, e prome version di Bali no tabata asina mes y toch tabata considera un di e restaurantnan mas popular riba e isla e tempo aki. E restaurant a mira 3 diferente doño durante su existencia, durante cual el a pasa door di varios renovacion y cambio di marca.

Den 1964, e restaurant a bay na man di Karel "Carl" Schmand. Durante e añanan, e restaurant tabatin mester di renobacion constante y reparacion, mas tanto a causa di

su vulnerabilidad na leak y pilar cu no tabata stabil bao di e fundeshi. Sinembargo, e chens mas grandi cu a yega na e restaurant ta den aña 1970 ora cu e restuarant a expande, cu luga pa 85 persona. Esaki tabata "The New Bali", cual a tin su reapertura oficial den 1972.

Despues di 1972, ora cu Ronny Schmand a tuma over, e restaurant a mira otro expansion atrobe; e biaha aki completo cu un bar largo y un area pa baila, unda e bishitantenan por a disfruta di musica en bibo for di musico y compositor Arubiano legendario, Toti Arends.

Despues di 1989, e restaurant un biaha mas a ser poni den man di otro doño, y desde e tempo aki a sufrí di pilarnan instabil bao di e fundeshi, cual tabata resulta den varios leak y awa cu tabata drenta e restaurant. Y manera mayoria cosnan grandioso semper tin nan fin, di mesun manera e sobrevivencia y mantencion di Bali Restaurant a yega un fin. Sinembargo, te dia di awe algun ta recorda su legado y awo ta considera esaki un monumento perdi.

Otro joya perdi na Aruba ta e cinemanan den aire liber. Durante 100 aña, Aruba a mira solamente 5 cinema di aire liber, cual awo ta practicamente obsoleto ria e isla, mientras cu e cinemanan ki antes tabata frecuentemente bishita pa localnan y migrantenan den siglo 20.

E prome teatro den aire liber a ser construi den 1920 y tabata comisiona pa Shon Edu-



ard (Eddy) de Veer. E cinema aki tabata situa na Hotel Colombia na Oranjestad, cual awo ta unda censo ta situa.

E cinema tabata simple; e tabata consisti solamente di un pantaya, y bishitantenan mester a hiba nan propio stoel pa disfruta di e peliculanan popular di e tempo aki.

Migrantenan Mericano cu tabata traha den e refineria y biba na Lago Colony den Sero Colorado tambe tabatin nan parti cu nan cinema den aire liber, cual tabata forma parti di Esso Club, tambe conoci como Pan-Am Club. E ta na e teatro aki cu prome a mira "Talkies," e peliculanan cu zonido. E cinema aki mas tanto tabatin peliculanan hit Mericano pa e Mericanonan, di e manera aki sigurando cu e migrantenan tambe por a disfruta di entretenimento for di nan cas.

Den 1950, y 60, Savaneta a

mira su propio cinema den aire liber, situa dilanti Marinier's Kazerne. E cinema aki tabata bishita mas tanto pa e soldadnan, ken no tabatin hopi entretenimento fuera di peliculanan e tempo aki.

E cinema di aire liber mas reciente y ultimo a keda construi den e forma di un 'drive-in theater.' Un concepto popular Mericano, Drive Inn tabata situa na Balashi y tabata un hot spot pa hobennan, kende tabatin e habito di busca tur nan amigonan den un auto pa bay mira pelicula. Pa e fenomeno aki tabatin un prijs separa cu mester a paga yama "car crash."

E cinema aki a cerca alrededor di 2012, pero a bolbe habri durante e pandemia den 2020, unda peliculanan por a ser mira riba un pantaya gigante crea di container riba otro. Sinembargo, e forma nostalgico aki di entretenimento no a dura hopi y a cerca atrobe un pa dos aña despues. Awendia, te ainda bo por mira e containernan riba otro ora cu bo ta cerca di e area na Balashi.

E ta bunita pa tuma un tempo di nos bida diario pa pensa riba recorda e joyanan cu nos a yega di mira den e transcurso di bida riba nos isla, cu aunke nos mes talbes no a disfruta of mira, nos sernan kerí y grandinan si a haci esaki, y te hasta tin storia cu nan por comparti cu nos. Cu na su turno, lo yuda nos conoce nos isla mas y acerca mas na su historia.

Fuente y potret di cinema den aire liber; De kolibrie op de rots en meer over de geschiedenis van Aruba" skirbi pa Evert Bongers.



Tierra del Sol Golf Course by Iberostar ta celebra su gran reapertura cu un Dia di Torneo y Celebracion

Iberostar Hotels & Resorts cu orguyo a celebra e Gran Re-Apertura di Tierra del Sol by Iberostar, marcando un era nobo pa Golf na Aruba.

E reapertura aki a bin despues di un proceso extensivo di renobacion cu a representa un inversion significativa den e revitalisacion di e campo di golf, reafirmando e compromiso a largo plaso di Iberostar cu e comunidad di Tierra del Sol. E mehoracionnan aki a wordo diseña pa eleva e experiencia di golf, contribui na ofrece balor agrega na e propiedadnan rond di dje y reforsando e prestigio di e area.

Pa conmemora e logro aki, Tierra del Sol by Iberostar a organisa un Gran Torneo di Golf di Reapertura, ofreciendo bon bini na e miembronan y invitadonan pa experimenta e campo renoba. Prome cu subi riba campo di Golf, Ashiko Martinus, Director di Tierra del Sol by Iberostar, a expresa su aprecio sinceronamente e ekipo cu a traha duro tras di cortina durante e renobacion. Nan trabou di ekipo, compromiso, y pasion tabata instrumental den logra e standardnan di nivel mundial di e campo.

“Tierra del Sol tin un luga special den e paisahe di Aruba y den e curason di nos miembronan y invitadonan,” a bisa Ashiko Martinus, Director di Tierra del Sol Golf Course by Iberostar. “E reapertura aki ta representa un capitulo nobo



pa nos campo di golf y un reafirmacion di e vision a largo plaso di Iberostar; combinando excelencia den servicio y participacion comunitario.”

E dia tabata yena cu competencia amistoso y spirito comunitario. Despues di e torneo, invitadonan a reuni na e Lighthouse Terrace area pa un Dinner Reception y Ceremonia di Premio, unda a reconoce e participantenan pa nan logronan di e competencia. E anochi aki a muestra e hospitalidad di Iberostar y su dedicacion na crea experiencianan memorabel y enfoca den comunidad.

E transformacion aki a inclui un renobacion completo di tur e greens y tees, yerba cu a wordo poni nobo pa sigura condicionnan optimal pa hunga. E sistema di irigacion a wordo completamente mehora y modernisa, mientras cu e driving range a ricibi mehoracionnan final di irigacion hunto cu matnan nobo y ball trays pa un experiencia di golf mas miho. Durante e aña aki, a completa e fase final di

pone yerba den e fairways y driving range, cu a sigui cu e fine-tuning di e tees y greens den preparacion pa e reapertura di e full 18 holes. Como parti di e mehoracionnan, a pone displays nobo y tee markers rond di e campo di golf, y e facilidadnan na hoyonan 6 y 15 a wordo completamente renoba pa mehora e comodidad di e huespednan. Ademas di e renobacion fisico di e campo, Tierra del Sol by Iberostar, den colaboracion cu experto local den conservacion, a establece e prome Santuario di Shoco di Aruba riba e propiedad. Mas di 10 pareha di Shoco a wordo exitosamente protegi y ta sigui habita e area di santuario den e campo di golf. E iniciativa aki ta refleha e compromiso continuo di Iberostar cu biodiversidad y naturaleza.

Originalmente diseña pa e aclamado arkitekto Robert Trent Jones II, Tierra del Sol a wordo celebra pa Golf Digest como un luga cu ta ofrece “Scotland, Arizona, and the Caribbean all in one



round”. E desert links campo aki ta combina e elementonan di biento, lama, y tera pa crea un experiencia berdaderamente excitante pa golfista di tur nivel.

Tocante Iberostar Hotel & Resorts:

“Iberostar Hotels & Resorts” ta e division di hotel cu ta forma e negoshi principal di Grupo Iberostar, un multinacional di Spaña, 100% familiar cu casi 70 aña di historia den sector turistico, cu origen empresarial cu ta bay te 1877. Su portofolio ta inclui 31.500 camber den 100 hotel di cuatro y cinco strea den 13 pais, dedica na ofrece un calidad excepcional y un servicio sincero. Na mes momento nan ta defende e modelo di turismo responsabel cu tin como prioridad, bienestar tanto di e hende como di naturalesa.

Cu 2,5 miyon bishitante pa aña y un presencia privilegia den prome liña di beach, e marca Iberostar Beachfront Resorts ta ofrece tres segmento distinto pa cumpli cu e soño di vacacion di cada turista. Iberostar Waves ta ofrece experiencianan yen di diversion, perfecto pa famia y pareha, amante di lama. Iberostar Selection ta ofrece estadianan premium, espacioso y relahante cu un servicio excepcional. Por ultimo, JOIA by Iberostar ta un coleccion di resort di luho na lugarnan exclusivo, cu ta distingui nan mes pa un servicio altamente personalisa y sofisticado.

Pa mas informacion por contact PR & Comm ekipo na di JOIA Aruba na: Ghislaine.dewindt@iberostar.com

Parlamentario Stephany Sevinger a pidi atencion pa studiantenan Rubiano na Hulanda

Recientemente, durante un conferencia di prensa, miembro di parlamento Stephany Sevinger a comparti su preocupacion profundo tocante e problematica constante cu e studiantenan Rubiano ta enfrenta na Hulanda. Sevinger a bisa cu, a pesar cu e tema aki ta bin dilanti regularmente durante e reunionnan di IPKO, e situacion no a cambia mucho y e ta sinti cu ta ora pa un accion mas concreto y coordinacion real entre Aruba y Hulanda.

“Nos a sinta cu e studiantenan na Haagse Hogeschool

y nos ta mira cu tur aña e mesun problemanan ta ripiti. E ta hopi di lamenta cu despues di tanto tempo ainda no tin un solucion efectivo,” Sevinger a bisa. “E introduccion di e burgerservicenummer prome cu bo bay Hulanda tabata un paso positivo, pero esey ta apenas un alivio chikito den un proceso cu tin hopi mas trabou pa haci.”

Sevinger a muestra su aprecio pa e esfuersonan di Minister di Enseñansa, Gerlien Croes, cu ta traha de cerca cu Hulanda pa yuda e studiantenan. El a agrega cu e restauracion di Arubahuis ta representa un paso grandi, pasobra e institucion aki tabata un di e

fuentes principal di apoyo pa e studiantenan Rubiano den pasado.

“Como parlamentarionan, nos tambe tin un rol den e proceso aki. No ta solamente tarea di gobierno pa busca solucionnan; nos mes por investiga y presenta ideanan cu por yuda nos hobennan,” Sevinger a enfatisa.

Durante su estadia na Hulanda, Sevinger a tene reunion cu e Ombudsman (Defensor di Pueblo), cu tambe a propone manera pa mehora cooperacion entre e departamentonan di Aruba y e gemeentenan na Hulanda. “Por ehempel, si un estudiante tin su datonan den DIMP, e

informacion aki por wordo comparti automaticamente cu e gemeente unda e ta bay biba, pa evita un proceso largo y complica,” el a splica.

E parlamentario a conta cu tambe a tene un dialogo constructivo cu meneer Franklin Seute, autor di “Living Rich as a Student in the Netherlands”, y cu Sueanne Lee, rector nobo di Universidad di Aruba. E discusionnan tabata enfoca riba educacion financiero y preparacion pa bida di estudiante pafo di bo pais.

“Nos hobennan ta enfrenta costo di bida halto y falta di vivienda. Imagina un hoben di 17 aña, recién sali for di



cas di su mama y su tata, cu mester enfrenta un mundo totalmente nobo,” Sevinger a conclui. “Nos tin un obligacion pa crea un sistema cu ta yuda nan miho pa logra exito.”

A confirma gripe aviar na un granha na Hummelo; Casi 150 parha lo ser sacrifica

(NLTimes)—E **Nederlandse Voedsel- en Warenautoriteit (NVWA)** ta sacrificando tur 150 parha na un granha na Hummelo pa preveni e plamamento di influenza aviar, marcandoe segundo brote den Gelderland e siman aki, Omroep Gelderland a reporta.

Dos dia prome, influenza aviar a ser detecta na un granha comercial na Dodewaard, unda aproximadamente 161.000 parha mester a ser sacrifica. Autoridadnan a impone inmediatamente

un prohibicion di transporte dentro di un radio di 10 kilometer di e granha.

E prohibicion ta inclui e movimiento di galiña y webo, sea pa cria of come, for di cualkier sitio cu parhanan. Tambe e ta cubri deshaci di estiercol di parha, sitio di sushi, productonan animal y otro animalnan for di granhanan.

Un otro granha di galiña ta localisa dentro di tres kilometer di e tereno infecta, y 16 granha comercial di galiña ta situa dentro di un radio di dies kilometer.



Bo receta nobo ta pa sali bay pafo

(AP)—**Proveedornan di cuido di salud tin tempo ta sugeri na pashentnan cu stress pa pasa mas tempo den naturaleza. Awor, centenares di mediconan na Merca ta bay un paso mas leu: nan ta dunando receta formal pa sali pafo. E tendencia ta birando popular mientras red social, conflicto politico y gueranan den paisnan stranhero ta poniendo presion riba e mente Mericano.**

Claro, ningun hende no mester un receta pa sali bay pafo, pero algun medico ta kere cu si nan duna e recomendacion asina, e ta pone hende tuma esaki na serio. “Ora mi bisa esaki, ta casi manera mi ta dunando permiso pa haci algo cu nan talbes ta considera kens en medio di tanto stress y seriedad,” Dr. Suzanne Hackenmiller a bisa, un ginecologo di Waterloo, Iowa, cu a cuminsa duna “recetanan di naturaleza” despues cu el a descubri cu pasa tempo pafo a calma su mente despues di e morto di su esposo.

Pasa tempo den naturaleza por mehora bo salud
Varios estudio a comproba cu pasa tempo den areanan natural por baha presion di sanger, reduci hormoon di stress y fortifica e sistema inmun.

“Estudio tras estudio ta muestra cu nos mente y curpa ta crea pa ta den contacto cu naturaleza,” Dr. Brent Bauer a bisa, director di e programa di medicina complementario e integrativo na Mayo Clinic na Rochester, Minnesota. E programa ta enfoca



riba practicanan cu normal no ta forma parti di medicina tradicional, manera meditacion, acupuntura, masaje y nutricion. “Esaki ta mas cu un pensamiento spiritual—ta ciencia real.”

Pa duna un conseho pa sali pafo ta un cos, pero pa haya hende sigui e conseho ta otro. Mas o menos un decada pasa, algun proveedornan di salud a formalisa e idea pa sali pafo via receta.

Dr. Robert Zarr, cu tambe ta un guia di naturaleza, a lansa un organizacion yama Park Rx America rond 2016, ofreciendo protocolnan pa duna “receta di naturaleza.” E guia ta inclui papia cu pashentnan riba kico nan gusta haci pafo—cana, sinta bao di palo, of simplemente mira blachi di pata cay—cuanto biaha nan mester haci esaki y unda nan por bay. E detaye aki ta ser inclui den un receta, y Park Rx America ta manda recordatorio na e pashentnan.

Casi 2.000 proveedor ta registra cu e organizacion na Merca y den paisnan manera Australia, Brasil, Cameroon y Spaña. Nan a emiti mas cu 7.000 receta di naturaleza for di 2019, segun Dr. Stacy Beller Stryer, director medico asistente di Park Rx America. Segun e, rond di 100 otro organizacion cu mesun idea ya a surgi den Merca.

Un receta natural por motiva hende

Dr. Bauer ta trata hopi CEO y lidernan empresario. El a bisa cu e ta duna mas o menos 30 receta di naturaleza cada aña. Segun e, hopi di e ehecutivonan no sa ni unda pa cuminsa, y un receta ta duna nan un empuhe pa tuma e prome paso.

“Mi ta recomenda hopi cos na hopi pashent,” el a bisa. “Mi no ta pensa cu tur ta sigui nan. Pero ora un persona ta duna mi un receta cu ta bisa ‘bo mester tuma e medicamento aki,’ mi ta mas

dispuesto pa haci esey mes.”

Dr. Hackenmiller, e ginecologo di Iowa, a bisa cu e ta papia cada baha mas cu pashentnan riba e importancia di sali pafo pa scapa un mundo cu ta parce ta den conflicto constante.

“Ora tin tanto cos fuera di nos control, e por ta util pa kita un rato di media y pasa tempo den naturaleza,” el a bisa. “Mi ta kere cu tempo den naturaleza ta afecta un parti di hende—algo cu nan a haya consuelo den dje antes, y cu ta atrae nan back.”

E parti mas importante ta sali bay pafo

E efectividad di e receta natural ainda no ta cla. Un estudio conhunto di 2020 entre e Servicio Forestal di Merca, Universidad di Pennsylvania y North Carolina State University a conclui cu tin falta di investigacion pa midi si hende ta sigui e conseho y pa evalua beneficianan di largo

plaso.

Pero al menos bo ta chocando riba huma di candela of ta bringa cu sanguranan, sali pafo—pa cualkier motibo cu bo tin—por yuda.

Na William & Mary College den Williamsburg, Virginia, studiantenan ta dunando receta natural na nan compañeronan. “Pashentnan” ta haya e receta despues di un formulario online indicando con leu nan ta dispuesto pa biaha te un park, tempo cu nan por bishita, si nan mester transporte, y cual ta nan actividad prefera.

Den 2025, studiantenan a emiti un promedio di 22 receta online pa luna, compara cu 12 pa luna den 2020.

Kelsey Wakiyama, un estudiante senior, a crece ta canando riba ruta pa hike cerca di su cas na Villanova, Pennsylvania, cu su famia y nan pushi Duke. Ora el a cuminsa su prome aña na Williamsburg, e no tabata sa unda pa cana. El a mira un anuncio di receta natural den e email semanal di e universidad y finalmente a haya un cu a yud’e haya ruta pa hike cerca di campus.

“Mi gusta e matanan berde,” Wakiyama a bisa. “Ora bo ta sinta paden—mi tabata den e biblioteca pa cuatro ora awe—e aire fresco ta sinti hopi bon. E ta calma mi sistema nervioso completamente. Mi ta asocia ta pafo cu un sentimento di claridad, paz y bon memorianan. E sensacion ey ta bolbe cada bes mi sali pafo.”

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Parlamento ta cuestiona gobierno tocante transferencia di supervision di gaming pa ministerio di Husticia

CuraçaoChronicle) - Miembronan di oposicion Parlamntario Suzy Carmelia-Romer di MAN-PIN ta exigiendo claridad for di e minister di Finanzas Charles Cooper (MFK) tocante rapportnan cu e ehecucion di LOK pronto lo keda transferi for di e minister di Finanzas na e ministerio di Husticia.

Camelia-Romer a entrega su preguntanan di manera oficial den preparacion pa un ora di pregunta parlamentario.

io tocante e situacion actual di weganan online. El a puntra si e gobierno berdaderamente tin intencion di haci e minister di Husticia pa implementa e LOK y si ta asina, ki ora Parlamento por spera e amienda legislativo cu lo haci e transferencia aki legalmente posible.

E problema a surgi ora cu reportahe a indica cu Curaçao Gaming Authority (CGA) - te ainda oficialmente conoci como Gaming Control Board (GCB) - a ser kita for di e autoridad di ministerio di

Finanzas. Esaki a keda confirma despues pa un vocero di gobierno, ken a referi na un decreto nacional cu fecha 19 di augustus, publica e siman aki, confirmando cu e cambio administrativo a sucede 2 luna atras.

LOK, cual a ricibi aprobacion di parlamento den december di 2024, oficialmente a keda implementa dia 24 di december e aña aey. Bao e ley e minister di Finanzas ta explicitamente designa como e oficial responsable pa su ehecucion. Esaki ta inclui nombra miem-

bronan pa CGA su directiva y recomenda candidatonan pa e directiva di supervision, RvC, pa nombracion via decreto nacional.

Camelia-Romer a señala cu Raad van Advies (RvA) anteriormente a adverti e gobierno contra otorga e minister di Finanzas autoridad completo tocante e designacionnan aki, recomendando cu e ley proponi keda aregla pa garantisar 'checks and balances' apropiada. Sinembargo, e nombracionnan sigui cana toch.

E Parlamentario tambe

a cuestiona reportahe cu henter CGA/GCB a renuncia den mita di september 2025. "Si esaki ta berdad, e renunciacion aki a sucede segun un plan di sucesion?" el a puntra, notando cu e ex comisariacionan no ta registra cu camara di comercio mas.

Camelia-Romer a pidi minister di Cooper revela e motibonan pa e renunciacion masal y confirma si nan ta entrega por escrito. Si ta asina, e ta pidi pa otorga parlamento acceso confidencial na e documentonan relevante.

CDA ta perde 5 asiento despues di comentarionan controversial mientras eleccion Hulandes ta acerca

(NLTimes) - Partidonan Hulandes ta yegando cerca den sosten prome cu eleccion di Tweede Kamer, segun un encuesta di Ipsos I&O publica diasabra, cu PVV, GroenLinks-PvdA y CDA awo dentro di 6 asiento di otro.

PVV a cay cu 3 asiento na 26 cu votadornan cada biha dudando di e partido su habilidad di uni e proximo coalicion, cambiando e sosten na VVD y JA21.

CDA a sufri e perdida mas grandi, cayendo cu 5 asiento for di 25 pa 20, despues di declaracionnan haci pa lider Henri Bontenbal defendiendo scolnan religioso pa rechasa relacionnan homosexual. Solamente 9% di votadornan a acepta e declaracion, "scolnan religioso mester keda cu e libertad pa siña muchanan cu como un persona homosexual, bo no por tin un pareha," mientras cu 78% tabata den desacuerdo. Entre votadornan di

CDA, 80% ta opone e posicion, y 95% di nan cu a bandona e partido den e ultimo siman tabata den desacuerdo.

D66 a mira e ganancia mas grandi i CDA su perdida, agregando un calculacion di 2 asiento pa un total di 4. Lider Rob Jetten su tasa di aprobacion a aumenta, incluyendo entre votadornan centro-derechista y 36% di e participantenan a bisa cu lo considera vota pa D66, dunando e partido e base di posible votador mas grandi.

E encuesta, conduci for di 10or di anochi diahuebs, october 23, te cu 10or di anochi diabierna dia 24 di october, incluyendo 3.244 ciudadano cu 18 aña y mas.

Mas participante for di I&O Research Panel, cu 211 for di PanelClix, mas tanto hoben, sin educacion di nivel halto y participantenan. Un panel a invita 1.115 participante pa monitor cambionan di votador.

Polis ta aumenta seguridad den area cerca di lider di VVD su cas despues di "actividad sospechoso"

(NLTimes)- Lider di VVD Dilan Yeşilgöz no por a regresa su cas na Amsterdam diasabra anochi despues di Debat van het Zuiden, a causa di loke el a yama "un situacion sospechoso" cerca di su residencia.

Papiando riba e programa di television Buitenhof riba diadomingo, el a bisa cu el a keda alerta tocante un situacion cu no tabata safe y hiba un fuga sigur. E por a regresa cas mas anochi, den e oranan trempan di diadomingo.

Segun Yeşilgöz, varios persona por ser mira ta comporta di manera sospechoso den su bario. E ta no ta cla si a detene

algun persona. El a agrega cu polis a checuta evaluacion di conducta den henter e area pa e circunstancia aki.

Yeşilgöz a bisa cu e no por a bisa cu certidumbre di unda e menasa a bin pero a nota menasa den su contra usualmente ta origina for di crimen organisa. E ta bao proteccion continuo desde cu e tabatin e funcion di minister di Husticia y Seguridad, ora cu el a cuminsa e tipo di menasanan aki.

"Cu esaki ta sucede den medio di un campaña di eleccion ta fastioso," Yeşilgöz a bisa. "Pero tur hende tin algo cu nan mester lidia cune. E

hacimi hopi rabia. Mi tabatin mester di un momento pa calma." El a describi cu e tabatin un "anochi cortico" prome cu presenta dilanti Buitenhof y a bisa e ta alivia di por regresa cas di manera safe.

E incidente ta bini den medio di preocupacion creciente tocante e seguridad di lidernan di partido durante e campaña di eleccion. Anteriormente e luna aki, lider di PVV Geert Wilders a suspende su campaña despues di ricibi menasa for di Belgica y Frans Timmermans di GroenLinks-PvdA a ser confronta pa un individuo agresivo durante entrevista na Amsterdam.



Alcalde Halsema ta revela un modelo 3D di Amsterdam na honor di e di 750 aniversario di e ciudad

(NLTimes) - Alcalde Femke Halsema a revela un modelo di Amsterdam di 70 meter cuadra, imprimi den 3D na World Trade Center (WTC) Amsterdam pa marca e di 750 aniversario di e ciudad. E modelo, crea pa Cor van Zadelhoff den colaboracion cu e firma di inversion Reggeborgh, lo ta riba pantaya publico den e lobby di Toren Un y Dos entrante dialuna, 27 di october.

“Esaki ta un modelo berdad-eramente bunita di nos ciudad,” Halsema a bisa. “Bo por mira e pasado y crecimiento di e ciudad, y tambe su desaroyo den e proximo añanan. E modelo ta un invitacion pa hiba un dialogo tocante e ciudad y su futuro. Nos ta suma-



mente orguyoso. Hopi danki na Cor pa haci e proyecto extraordinario aki posibel.”

E modelo interactivo, construi na un escala di 1:2000, ta mostra e desaroyo espacial di Amsterdam den detaye precies, resaltando su evolucion di pasado pa presente y proyectando cambianan den

futuro. E caracteristicanan di awa di e ciudad, espacio berde y 75 edificio iconico ta ser ilustra a traves di potret y historianan suministra pa e municipio. Plannan urbano den futuro a ser integra usando dato, imagen y mapanan precies. E diseño inmersivo a ser desaroya pa e agencia digital Capitola.

Van Zadelhoff a bisa cu el a alimenta e idea pa ocho aña. “Despues di a mira modelonan na escala di otro ciudadnan di mundo, mi tabata sa cu Amsterdam merece un tambe. Den anticipacion di e di 750 aniversario di e ciudad, mi a dicidi di regala Amsterdam su propio modelo. E no ta solamente un homenage na e ciudad cu mi ta stima pero tambe un invitacion pa wak padilanti pa e futuro cu tin nos dilanti.”

“E modelo aki ta un homenage fantastico na Amsterdam—su pasado, presente y futuro,” Femke Weller, gerente general di WTC Amsterdam a bisa. “Nos ta orguyoso cu World Trade Center a ser scogi como e luga caminda e historianan di e ciudad ta

haya bida. Nos ta invita tur hende pa experiencia e exposicion aki durante nos aña di 40 aniversario.”

MVSA Architects a ehecuta e 3D print. Roberto Meyer, e fundador di e firma, a bisa, “Tur capa ta conta un historia tocante e ciudad: for di naturalesa y cayanan historico te na e horizonte evolucionando. Pa prome biaha, e ciudad ta completamente visible no como un mapa pero como un modelo tangibel, ofreciendo un perspectiva completamente nobo. Door di combina tecnologia di arte 3D di ultimo generacion cu pasion y artesanía, nos a crea un modelo cu ta representa no solamente e ciudad fisico sino tambe su desaroyo dinamico.”

Confiansa di ciudadanonan Hulandes den politica ta historicamente abou

(NLTimes) - E confiansa di e residentenan di Hulanda den politica ta na un nivel mas abou historico. Den e di tres kwartaal di e aña aki, 39% di e residentenan di Hulanda no tin confiansa mas den politica, y 75% a bisa cu nan confiansa den gobierno a baha durante e ultimo aña, segun un relato trimestral titula “Know your people: The Netherlands” di e agencia Noruego Norstat.

E confiansa abou den politica ta bay compaña pa un sentido di pesimismo. Mitar di e Hulandesnan ta kere cu Hulanda

ta bayendo den mal direccion, y 74% ta hopi preocupa cu e desaroyonan na Hulanda. Solamente 2% ta positivo tocante loke ta pasando na Hulanda.

E preocupacionnan mas grandi di ciudadanonan Hulandes ta inflacion, migracion y conflictonan internacional. Un gran parti di e poblacion tambe ta preocupa pa criminalidad y cambio di clima, aunke esakinan ta ser menciona menos frecuentemente como e preocupacion principal di hende.

A pesar di e malcontento di sociedad, mayoria residente



di Hulanda ta contento cu nan bida personal, segun Norstat. 72% ta balora nan calidad di bida como bon of hopi bon, y 83% ta considera nan mes rasonablemente fe-

liz. Hulanda no ta e unico pais Europeo caminda confiansa den politica ta bou di presion, pero e situacion Hulandes ta remarcablemente malo den-

tro di Noordwest Europa. Grouponan grandi di ciudadanonan tambe ta desconfia nan gobiernonan na Italia (60%), Reino Uni (49%) y Alemania (42%).

E porcentahe ey ta significativamente mas abou den e paisnan Scandinavo. Na Dinamarca, solamente 15% di ciudadanonan no tin confiansa den politica. Na Suecia, esey ta 17%, y 19% na Noruega. Segun Norstat, e paisnan Scandinavo tin gobiernonan transparente y stabiel, y esey ta refleha den e nivel halto di confiansa den nan.

Hoben deteni na Helmond despues di un serie di tiroteo y explosion

(NLTimes) - Un mucha homber di 15 aña di Helmond a keda aresta dia- bierna anochi laat riba sospecho di envolvim- ento den un serie di incidentenan violento den e ciudad, incluyendo un tiroteo den cas y un explosion, Omroep Brabant a informa.

Mas prome e luna aki, un explosion a destrui e porta dilanti y un bentana di un cas na Ricoutsvoort na Helmond. E siguiente dia, un residencia riba Jan Stevensstraat a ser tira. Polis a bisa cu ocho tiro a ser tira riba e cas miéntras e habitante di 68

aña tabata paden. E no tabata herida pero tabata profundamente sacudi.

Un siman prome cu e atakenan ey tambe a raporta tirotan riba Klaverhof, unda varios persona a intercambia tiro. Ningun hende a resulta herida, aunke un bentana di auto a kibra.

Polis ta kere cu e hoben ta conecta cu e mesun casonan pa cual un homber Helmond di 19 aña tabata deteni anteriormente. Despues di e tiramento di Jan Stevensstraat, polis a detene e sospechoso di 19 aña, kende ta keda cera. Pero como cu a sucede mas violencia despues di su de-



tencion, autoridad a sospecha cu otro nan tabata involvi. Polis no a descarta mas de-

tencion y ta urgi cualkier persona cu tin imagennan of informacion di vigilancia pa

tuma contacto cu e departamento di investigacion criminal di Helmond.

Argentina ta vota den eleccion cu ta pone e mandato di Presidente Milei y respaldo di Merca na prueba

(AP) — Na e banda nort di e Riu Riachuelo di Argentina, concesionario di auto di luho ta reporta cu benta a aumenta desde cu e presidente libertario Javier Milei a elimina restriccionnan di importacion.

Cayanan den e distrito financiero di Puerto Madero ta yena cu bankeronan cu ta alaba Milei pa a termina cu un prohibicion di aña largo di bende dollar online. Restaurantnan nechi ta sirbi sushi y steak pa ehecutivonan di petroleo Argentino cu ta elogia su esfuersonan pa atrae inversion stranhero.

Na e banda opuesto di e awa contamina di Riachuelo, Veronica Leguizamon, 34 aña, tin solamente algun webo, un carton di lechi y tiki pan.

Garando un container, el a enfrente yobida pisa diabierna pasa pa carga cuminda pa su cuater yiu muhe for di un cushina di sopi den su bario di Isla Maciel — un rutina

diario nobo desde cu Milei a reduci subsidionan pa servicionan publico y a elimina control di prijs riba cumindanan basico.

E fortunanan cu ta marca e contraste di e bisindarionan di Buenos Aires aki cu tin solamente un kilometer di separacion ta ilustra e tensionnan cu ta polarisa e electorado Argentino den e eleccion ‘midterm’ di congreso nacional riba diadomingo. Mientras votadornan ta bay na e urnanan di votacion, nan percepcionnan enormemente diferente di e economia ta pa determina si Milei lo tin exito — y si e administracion di Trump ta sigui cu un plan di rescate financiero pa su aliado ideologico cu ta enfrendando falta di placa.

E oposicion di Milei ta spanta mercado

Comentando riba e eleccionnan midterm, Presidente di Merca Donald Trump a menasa pa rescindi un pakete di ayudo di \$20 bilon pa Argentina si Milei sufri un derota na man di un “socialista

of comunista,” loke a provoca un benta masivo den mercadonan Argentino.

Trump tabata aparentemente refiriendo na e movimiento ideologico populista y di base amplio di Argentina conoci como Peronismo cu a yuda crea e desaster economico cu Milei a hereda fin di 2023.

Gasto publico imprudente bao di un sucesion di gobierno Peronista — incluyendo esun di ex-Presidente Cristina Fernandez de Kirchner, awor cumpliendo aresto na cas pa corrupcion — a trece Argentina fama pa su spiral inflacionario y falta di paga debe soberano.

Mercadonan ta tembla na e pensamiento di un regreso di Peronista. Ora e coalicion di Peronista a gana e partido libertario di Milei cu un victoria den e eleccion provincial di Buenos Aires luna pasa, inversionista a drenta den panico cu e cambio di mercado liber di e presidente tabata perdiendo respaldo y a core



pa saca capital for di e pais.

Den un movimiento extremadamente raro, e Tesorera di Merca a bin na auxilio — bendiendo dollar pa yuda cumpli cu demanda eleva pa dollar, firmando un linea di credito di \$20 bilon y primintiendo un otro \$20 bilon den ayudo di banconan priva, den luga di contribuidornan di Merca.

Bienes a salta na cada anun-

cionan di e administracion di Trump. Ya cu nan a evita un crisis di moneda, Milei y su partidarionan tabata, brevemente, contento.

“Mi ta orguyoso di e respaldo di Merca. E ta yuda nos crece mas fuerte,” Luciano Naredo, 28 aña, un bendedo di auto di luho na Puerto Madero, a bisa. “Mi ta pensa cu Argentina finalmente ta tumando su lugar digno na mundo.”

Venezuela: Maduro ta bisa cu Merca ta inventando un guerra y ta busca pa revoca e nacionalidad di su oponente

(AP) — Presidente di Venezuela Nicolas Maduro a bisa cu e gobierno di Merca ta “inventando” un guerra den su contra mientras e barco di guerra mas grandi di mundo ta acerca na e pais Sur Americano, moviendo pa revoca e nacionalidad di un oponente cu e ta acusa di ta incitando un invasion.

Maduro a bisa den un transmision nacional diabierna anochi cu e administracion di Presidente Donald Trump ta “inventando un guerra nobo eterno” mientras e porta-avion USS Gerald R. Ford, cu por carga te cu 90 avion y helicóptero di atake, ta move mas cerca di Venezuela.

Riba diasabra, e presidente Venezolano tambe a referi na e presion cu el a sinti for di e gobierno di Merca mientras el a cuminsa procesonan legal buscando pa revoca e nacionalidad y cancela e paspoort di e politico di oposicion Leopoldo Lopez.

“Nan ta inventando un narrativa extravagante, uno vulgar, criminal y totalmente falsi-



fica,” Maduro a agrega. “Venezuela ta un pais cu no ta produci blachi di cocaína.” Forsanan Mericano a destrui varios barco for di costa di Venezuela, supuestamente pa nan rol den trafica droga na Merca. Por lo menos 43 persona a perde nan bida den e atakenan ey.

Tren de Aragua, cual a traha su raiz na un prison di Venezuela, no ta conoci pa tin un

rol grandi den trafico di droga global sino pa su rol den asesinato via encargo, extorsion y trafico di hende.

Maduro tabata ampliamente acusa di a horta e eleccion di aña pasa, y paisnan incluyendo Merca a haci yamado pa e bay.

Anteriormente, e Vice Presidente di Venezuela Delcy Rodríguez a bisa riba su cuenta di Telegram cu Maduro a

apela na e Corte Supremo di Husticia di e pais pa revoca e nacionalidad di Lopez pa su “yamado grotesco, criminal y ilegal pa un invasion militar di Venezuela.”

Lopez, un figura di oposicion Venezolano conoci cu ta exilia na España desde 2020, publicamente a expresa su respaldo pa e despliegue di barconan di Merca den Caribe y atakenan contra barco sos-

pechoso di trafico di droga. E vice presidente a bisa cu e paspoort di Lopez lo ser revoca “inmediatamente,” y cu e tambe ta acusa di promove “bloqueo economico” y “haci yamado pa e asesinato masivo di Venezolano den complicidad cu gobierno enemigo y stranhero.”

E lider di oposicion a reacciona riba su cuenta di X, desmintiendo e movimiento pasobra “segun e Constitucion, ningun Venezolano naci na Venezuela por tin su nacionalidad revoca.” El a expresa atrobe su respaldo pa un despliegue militar di Merca y accionnan militar den e pais.

Lopez a pasa mas cu tres aña den un prison militar despues di a participa den protestan anti-gobierno na 2014. El a haya sentencia di mas cu 13 aña di prison pa cargo di “instigacion y conspiracion pa comete un crimen.”

Despues el a ricibi aresto na cas y despues di ser liberado door di un grupo di personal militar durante un crisis politico na Venezuela, el a bandona e pais na 2020.

Republica Dominicana: COE ta informa 753 cas afecta y 77 hende den shelter pa horcan Melissa

(DiarioLibre) - E Centro di Operacionnan di Emergencia (COE) a informa diadomingo ultimo cu horcan Melissa, un sistema poderoso cu bien-tonan di 220 kilometer pa ora, a pone cuater provincia riba alerta cora, 13 riba alerta geel, y 14 riba alerta berde, segun e informe di situacion No. 14 emiti diadomingo merdia.

E informe ta indica cu 753 cas a keda afecta, di cual 735 a sufrí daño pa inundacion, 17 a keda parcialmente destrui, y uno a keda completamente destrui. Ademas, 3.765 persona a keda desplasa of evacua, 48 comunidad ta keda isola, y 77 persona ta den refugio oficial situa den e Distrito Nacional, San Cristóbal, y San Juan.

E documento ta indica cu 625.460 cas y negoshi ta keda sin servicio di awa debi na e fayo di 61 acuaducto, 56 completamente for di operacion y cinco parcialmente for di servicio, segun Instituto Nacional di Awa Potabel y Rioolering (INAPA).

Corporacion di Awa y Rioolering di Santo Domingo (CAASD) a informa cu e dos sistemanan afecta a ser restaura y ta back den servicio.

E Ministerio di Obran Publico y Comunicacion (MOPC) a informa un caminda y un brug afecta pa e awasero, mientras cu evaluacionnan tecnico ta ser realisa den e provincianan bou di alerta cora y geel. Entre e areanan mas critico ta e brug di caminda grandi Piedra Blanca-Maimón na Monse-



ñor Nouel, caminda e Rio La Leonora a causa e colapso parcial di murayanan protectoro.

Den e sector di coriente, EDESUR a raporta dos circuito for di servicio y 18 desconecta, afectando servicio na 2.954 usuario, aunke trabaonan di restauracion ta andando.

E Instituto Nacional di Recursonan Hidraulico (IN-DRHI) a informa 11 riu cu inundacion y 1.000 hectar di cunucu di aros afecta, ademas di cinco trabou hidraulico impacta y cuater canal dañá.

Ekiponan di rescate a informa cu un persona a keda salva na bida for di e riu Ozama na Monte Plata y ocho otro a keda rescata riba Avenida Luperón na Santo Domingo despues di a keda pega den nan vehiculonan.

COE ta mantene cuater shelter activo: dos na San Juan, un na San Cristóbal, y un den e Distrito Nacional. Hendenan desplasa for di e Aldea Olimpiko na San Pedro de Macorís a regresa nan cas.

Servicio Nacional di Salud

(SNS) ta conduci operacionnan den e refugionan y ta mantene vigilancia epidemiologico pa posibel brote di malesanan gastrointestinal y respiratorio.

Ministerio di Defensa a activa unidadnan aereo, maritimo y terrestre pa sosten logistico y evacuacionnan, y a raporta e



evacuacion preventivo di 98 persona for di Isla di Saona debi na e ola y yobidanán na e costanan zuid y oost di e pais.

E Instituto Nacional di Hidrologia (INDRHI) ta monitoria e damnan di Valdesia, Sabaneta, Tavera y Monción, cu ta opera cerca di nan nivelnan maximo. Na Valdesia, un

operacion di regulacion ta andando pa mancha e fluho di Rio Mahomita y preveni desbordamento pariba.

COE a urgi residentenan den comunidnan cerca di e damnan di Jigüey, Aguacate, Valdesia y Las Barías pa keda atento na e guia di instancianan di proteccion civil.





Vertegenwoordiging van Nederland in
Aruba, Curaçao en St. Maarten
Ministerie van Binnenlandse Zaken en
Koninkrijksrelaties

Tweede Kamerverkiezingen Stemmen op Aruba

U kunt uw briefstembewijs bij de Vertegenwoordiging van Nederland in Aruba komen halen als u geregistreerd staat voor de Tweede Kamerverkiezing en een bericht van de Gemeente Den Haag heeft ontvangen dat u uw briefstembewijs kunt ophalen.

U kunt vanaf vandaag tot 29 oktober 2025 14:59 uur uw stem uitbrengen.

Briefstembewijs ophalen: vanaf heden tot en met dinsdag 28 oktober op werkdagen | Tijd: 08:00 – 17:00 uur.

Stemmen Verkiezingsdag 29 oktober 2025: 07:30 -14:59 uur.

Locatie: Vertegenwoordiging van Nederland in Oranjestad
L.G. Smith Boulevard 44

Vergeet uw **geldige identiteitsbewijs** en een **kopie** daarvan niet mee te nemen.
Let op: een rijbewijs is niet een geldig identiteitsbewijs!

Meer informatie? Voor vragen kunt u op werkdagen contact opnemen met de Vertegenwoordiging van Nederland in Oranjestad op +297 525 2866, per e-mail vnoinfo@minbzk.nl of kijken op www.vnacs.nl



EMERCIO NAVARRO VALBUENA
PROTECTION OFFICER
ARX Protective Services



GENESIS RAMIREZ
FRONT DESK AGENT
Boardwalk Boutique Hotel Aruba



DARELYN KOOLMAN
MARKETING EXECUTIVE
Aruba Marriott Resort & Stellaris Casino



JONATHAN MARTINEZ
SENIOR OPERATIONS SUPERVISOR
De Palm Corporation



PRISCILLA SAMSON
BRAND AMBASSADOR
TRYP by Wyndham Aruba



ELEONORE RUSTVELD
AMBASSADOR III
MARKETING EXECUTIVE
Marriott Vacation Club



ETHLEEN MADURO
SALES ASSOCIATE
Colombian Emeralds International



ALEXIS MONTERO
POOL & BEACH MANAGER
Riu Palace Aruba



BRIGITTE CROES
TELEPHONE OPERATOR
JOIA Aruba by Iberostar



EMMELY JULIA
FOOD & BEVERAGE SUPERVISOR
Divi Aruba Phoenix Beach Resort



KARLENE SERRADA
PORTFOLIO MANAGER
Casola Vacation Homes



LEONIRIA HERNANDEZ ODOR
MAINTENANCE ASSISTANT
Aramis Real Estate



GREGORY BOEKHOUDT
GUEST SERVICE EXPERT
The Ritz-Carlton, Aruba



JULIETTE FIGARO
CASINO OPERATION PLANNER
Hyatt Regency Aruba Resort Spa & Casino



MARIA MURILLO PEREA
ASSISTANT WAREHOUSE MANAGER
Penha Aruba



MARK KOCK
IT TECHNICIAN
Renaissance Wind Creek Aruba Resort



JEANDRICK ARENDS
SENIOR TECHNICIAN
Bucuti & Tara Beach Resort



ROGER BERGSHOEFF
AV TECHNICIAN
Elite Productions & Entertainment



TASHMIRA KOCK
ARMORED TRANSPORTATION OFFICER
Evers Security



JONATHAN BREMS
ACCOUNTING MANAGER
La Cabana Beach Resort and Casino



JURGEN WERLEMAN
CHEF DE PARTIE
Manchebo Beach Resort & Spa



NAHYM MONTE
TOUR GUIDE
Kini Kini Transfer & Tours



ASANYA FOSTER
SALES & MARKETING MANAGER
Radisson Blu Aruba



MELISSA BAREÑO
COMPLEX DIRECTOR OF LOSS PREVENTION
Marriott's Aruba Ocean Club



CLARENCE STUART
SOUS CHEF
Barceló Aruba



DARIO CROES
SALES REPRESENTATIVE
Professional Pest Control by Rentokil



JULIO RAMIREZ
SENIOR HOSPITALITY AGENT
Amsterdam Manor Beach Resort Aruba



FRANK HENRIQUEZ
ENGINEERING SUPERVISOR
Embassy Suites by Hilton Aruba Resort



HENRY GOMEZ
RESTAURANT MANAGER
Riu Palace Antillas



ANOUCHKA MADURO
ADMINISTRATION
BlueAruba Vacation Rental



DARWIN TORRES CORREA
REGIONAL EXECUTIVE CHEF
Divi Golf Aruba



JENNY CHEN
ROOMS DIRECTOR
Privada Stays



ERIC LEONARD
STOREROOM CLERK
GCG Group



MAUNDY SABULARSE-GALEADO
WAITER
Azia Restaurant & Lounge



EMERSON ZAMORA TORRES
POOL & BEACH SUPERVISOR
Divi & Tamarinj All Inclusive Resorts



PAUL ETIENNE
HOUSEKEEPING HOUSEPERSON
Marriott's Aruba Surf Club



RAFAEL WEVER
YIELD MANAGER
Eagle Aruba Resort



ZULLY AGUDELE VALENCIA
WAITRESS
Courtyard by Marriott Aruba Resort

Congratulations & Thank You!

A detene sospechosonan pa e robo di joyanan for di Paris su museo Louvre

(AP) - Sospechosonan a keda deteni en conexion cu e robo di joyanan for di e museo na Paris, Louvre, e fiscal di Paris a bisa diadomingo, un siman despues di e robo cu a impacta henter mundo.

E fiscal a bisa cu e investigadornan a haci e detencion di asabra anochi, agregando cu un di e hombernan deteni tabata preparando pa sali for di e pais for di Paris Charles de Gaulle Airport. Media Frances BFM TV y Le Parisien anteriormente a reporta cu dos sospechoso a keda deteni. Fiscal di Paris Laure Beccuau no a confirma e cantidad di detencion haci y no a bisa si a recupera cualkier joya tampoco.


E ladronnan a tuma menos



di 8 minuut diadomingo ultimo pa horta joyanan cu un balor di 88 miyon euro for di e museo mas bishita na mundo. Oficialnan Frances a describi con e ladronnan a usa strategia pa checuta e robo. E museo su director a yama e incidente un "fracaso terrible."

Beccuau a bisa cu e investiga-

dornan for di un unidad special di polis encarga di robo arma, robonan serio y robo di arte a haci e detencion. Den su declaracion, el a critica e leak prematuro di informacion, bisando cu e por stroba e trabao di mas di 100 investigador "mobilisa pa recupera e joyanan horta y detene tur e sospechosonan." Beccuau a bisa mas detaye lo keda revela



despues di e sospechoso su periodo di custodia caba.

Minister di Interior Laurent Nunez a elogia "e investigadornan cu a traha incansablemente, manera mi a pidi, y cu semper tabatin tur mi confianza."

Louvre a habri anteriormente e siman aki despues di un di

e robonan di perfil mas halto den e museo di e siglo, cual a impacta henter mundo pa su escala y strategia.

E ladronnan a drenta y sali, bayendo cu Francia su joyanan di corona - un herida cultural cu algun a compara cu e kimamento di e catedral Notre Dame den 2019.

Ex cas di Travis Scott na New York City den centro di caso di wega di placa ilegal

(TMZ) - Un cas na New York City di multi miyon dollar unda Kylie Jenner y Travis Scott antes a convivi ta un di e sitionan den centro di un scandal di apuesta actualmente impactando NBA.

E cas Greenwich Village ta un di e dos sitionan na New York City cu e gobierno federal ta bisa tabata punto unda weganan di poker di riesgo halto - y sumamente ilegal - tabata opera pa e famianan di crimen cu ta reina na Manhattan.

E cas ta mira den un episodio



di 2023 di The Kardashians, y ta unda Kylie, ora e tabata na estado, a biba cu e rapper - su ex pareha - y nan prome yiu prome cu el a reloca na Los Angeles, segun New York

Post. Segun e acusacion formal cu TMZ a obtene, e weganan aki di poker - unda a estafa miyones for di hende - ta-

bata opera na e sitio den 2023 tambe. Notablemente, e ex pareha no ta nombra den e documentonan y no a ser acusa tampoco.

E murayanan di e residencia a mira hopi den 2023, segun gobierno federal, cu hende homber arma drentando e sitio despues cu relacion a bira malo entre e mafianan cu ta opera e rondanan di poker ilegal.

E cas, bendi den 2024 pa 17 miyon dollar, segun su pagina di Zillow, tin 6 camber y 8 baño cu 6 piso.

Anteriormente a reporta cu gobierno federal a acusa 34 sospechoso di cargonan relaciona cu dos caso di fraude diahuebs - e prome tratando actividad ilegal na sitionan di apuesta den deporte y e di dos involucrando famianan di crimen di New York City ademas di nombrenan grandi den NBA, kendenan ta acusa di aregla poker ilegal y explota hungadonan causando perdida di miyones di dollar.

Portland Trail Blazers su coach Chauncey Billups y Miami Heat su hungado Terry Rozier a keda deteni en conexion cu e di dos caso.

Keith Urban finalmente ta papia di rumor di infidelidad

(thedailybeast) - Superstrea di musica country, Keith Urban a purba di splica berdad pa su fanaticonan mientras e ta enfrenta rumornan dañino tocante su separacion for di su esposa Nicole Kidman.

Mientras e tabata haci concierto y nan separacion a bira publico, fanaticonan a nota cu Urban ta cambia letra di un cantica tocante Kidman pa referi na su lugar na e guitarrista di 25 aña di edad, Maggie Baugh. Awo, e cantante finalmente a papia di e acusacionnan di infidelidad cu un mensahe pa su fanaticonan.

Durante e ultimo parada di su High and Alive World Tour na Nashville, Urban a haci un declaracion prome cu canta "You'll Think of Me," su hit di 2002.

"Mi ta cubriendo di e manera aki pa hopi tempo. Stop di lesa *** den dje," Urban, 57 a bisa e audiencia.

Urban a bolbe cambia e letra di e cantica. E palabranan "But you'll think of me" a bira "But I betcha think about me!" A pesar di e cambio obvio, e ta bisando fanaticonan pa no pensa nada di dje. E cantante a haci varios cambio di letra cu a hala atencion despues di e anuncio cu Kidman, 58, a demanda pa divorcio dia 30 di september despues di 19 aña di matrimonio. Tambe su escogencianan musical a ricibi scrutinio.

Durante e premier di e competencia di canto reality na CBS, High, Urban a scoge pa toca "Straight Line," un cantica cu anteriormente el a splica tabata un exploracion di "kier sali di



un rutina cu ta mata bo alma den cual bo por ta atrapa."

Mientras rumornan a sali tocante un supuesto amorio entre Urban y Baugh, fanaticonan di Kidman rapidamente a ataca e guitarrista riba rednan social, cu algun di nan destapando un video di april, den cual Urban a punta riba Baugh riba escenario

mientras tabata canta e letra "I was born to love you." Ni Urban ni Baugh a confirma of rechasa e relacion.

E separacion entre Urban y Kidman a bira "dramatico" segun un fuente anonimo papiando cu People.

"Kidman tabata kier salba e matrimonio y a kere cu e por, pero ta parce cu Urban ya a move on."

Kidman a papia un tiki di con e ta sinti tocante e divorcio, papiando tocante bira un adulto mayor y cambio den bida mientras el a aparece den revista Vogue su edicion di november. Periodista Wendell Stevenson, kende a entregista Kidman, a bisa cu el a sinti algo bao di superficie mientras e tabata papia cu Kidman.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Jorge A. (Chando) Pietersz

2025: un analisis di 'Rijkswet' pa Aruba *Ultimo parti*

Un tempo pasa a presenta un programa cu e tema cu tin Aruba den su gara, esta cu tin un Rijkswet ta colga riba su cabes mes-cos cu'n 'spada di Damocles' y tambe kico porta e siguiente paso.

Mirando actualidad di e topico y su enbergadura p'e pueblo di Aruba y di otro banda e falta di informacion concreto rond di e Rijkswet den discusion bo serbidor como historiador di e forma aki ta desea di contribui na informa pueblo encuanto modelonan di Rijkswet y particularmente e Consensusrijkswet HOFA 2025 sin e pretencion di ta extensivo y completo.

Rijkswet: College Aruba financieel toezicht (CAft)
E organo cu pa Aruba lo tin e tarea ariba menciona ta conoci bou e titulo 'College Aruba financieel toezicht' (CAft). Primordialmente CAft como organo independiente tin como tarea pa duna conseho na Consejo di Ministro i Reino encuanto di proposicionnan di presupuesto entrega na Staten, cumplimiento cu e Landsverordening una ves aproba dor di Staten te-niendo na cuenta e normanan stipula y si e gastonan di Gobierno ta cuadra cu e Landsverordening c.q. e presupuesto. Tambe manera ariba y menciona si e presupuesto ta refleha palabracionnan den cuadro di Landspakket.

Punto di salida di Consejo di Ministro di Reino ta cu si e paisnan debidamente cumpli cu CAft, Gobierno di Reino lo compensa esaki cu likides. Por ultimo pa Aruba ta conta cu e 'Landsverordening Aruba financieel toezicht' (LAft) lo wordo cambia pa 'Rijkswet Aruba financieel toezicht' (RAft). Kiermeen cu loke e Landsverordening di Aruba y e dos protocol- nan tabata regla a wordo awor ancraden un Rijkswet. Manera ariba ilustra esey ta solamente posibel dor di cambio di competencia: di pais Aruba pa Consejo di Ministro di Reino.

Sugerencia con sigui: no haci nada pa yega cielo, kiermeen no muri!

Na 2015 mi a produci un buki y como historiador Arubano cu hopi orguyo mi por a duna e manuscrito e titulo, 'Aruba van een onderhorig eiland tot een zelfstandig land binnen het Koninkrijk'. Lamentablemente e panorama historico a cambia y na 2025 si referi na e aspecto constitucional di Aruba mester dobla lomba y scirbi 'Aruba van een zelfstandig land tot een onderhorig land binnen het koninkrijk'.

Pueblo mester para keto un rato na e introduccion di e Rijkswet cu ta colga riba nos cabes y compronde su enbergadura pa nos pais y realisa cu e ta hiba nos 70 aña atras si pone den cuadro di e Statuto di Reino Hulandes. Si pone den contexto di nos autonomia basa riba Status Aparte 40 aña.

Atrobe sin ningun pretencion pero conmovi cu e atachamento di Hulanda na e espiroto y contenido fundamental di Status Aparte ta mi deber como ciudadano di duna mi contribucion na contra-aresta e rumbo cu Gobiernoan di turno ta hibando nos pais aden. E sugerencia-nan no ta limitativo sinembargo cada sugerencia ta para riba su mes y e posibilidad tey cu sugerencianan por wordo implementa den conhuntito.

'Cada' indentidad di nos comunidad tin un tarea den esaki. E base legal di e sugerencianan ta e Statuto y e Constitucion di Aruba banda di un yamada na e pueblo a base di e pensa-mento, 'Vox Populi, vox Dey' (e vos di pueblo ta e vos di Dios). Esta e receta cu e gran estadista politico di Aruba, Betico Croes, na varios ocasion a usa pa logronan grandi pa nos pais. Yamada na Parlamento:

Constitucion ta duna a base di articulo 111.22 e organo mas halto di e pais e posibilidad pa entrega un peticion na un instancia gubernamental di un nivel mas halto (Consejo di Mini-stro di Reino y Staten-Generaal), loke mi a referi na dje caba. Sinem-

bargo e aclaracion riba su mes ta interesante: "[...], afgezien van het petitierecht, dat zij reeds volgens art. 1.14 van de Arubaanse Staatsregeling als vertegenwoordigend orgaan van Aruba bezitten, bevoegd zijn de belangen van Aruba en van haar ingezetenen bij bepaalde instanties voor te staan."

Fiha un solo punto di bista y anca esaki den e 'Verslag' cu mester yega Staten-Generaal di Hulanda cua organo a lo largo ta dicidi over introduccion di e Rijkswet. Articulo 16 (Statuto) ta bisa "Het vertegenwoordigende lichaam van het land, waarin de regeling zal gelden, is bevoegd vóór de openbare behandeling van het ontwerp in de Tweede Kamer dit te onder-zoeken en zo nodig binnen een daarvoor te bepalen termijn daaromtrent schriftelijk verslag uit te brengen";

Den caso cu gobierno(nan) di turno di Aruba ta insisti den introduccion di e Rijkswet parla-mento por haci uso di e derecho di entrega un mocion di desconfiansa. Base mester ta si cu e ora ey tin un conflicto entre gobierno y Parlamento. Statuto articulo 17 inciso 2, textualmente ta bisa: "Het vertegenwoordigende lichaam van het land, waarin de regeling zal gelden, kan besluiten voor de behandeling van een bepaald ontwerp in de Staten-Generaal één of meer bijzondere gedelegeerden af te vaardigen, die eveneens gerechtigd zijn de mondelinge behandeling bij te wonen en daarbij voorlichting te geven."

Gobierno: Duna publicamente sin rodeo e pueblo di compronde si e actual Consejo di Ministro lo duna sosten na legalisa e Rijkswet cu ta colga riba nos cabes si o no.

Ministro Plenipontensario, Statuto articulo 18 inciso 1: "De Gevolmachtigde Minister van het land, waarin de regeling zal gelden, wordt vóór de eindstemming over een voorstel van rijks-wet in de kamers der Staten-Generaal in de gelegenheid gesteld zich omtrent dit voorstel uit

te spreken.

Tambe den lus di esey articulo 17 Statuto inciso 1 ta bisa: "De Gevolmachtigde Minister van het land, waarin de regeling zal gelden, wordt in de gelegenheid gesteld in de kamers der Staten-Generaal de mondelinge behandeling van het ontwerp van rijks-wet bij te wonen en daarbij zodanige voorlichting aan de kamers te verstrekken als hij gewenst oor-deelt". Inciso 4 di e mesun articulo ta bisa: "De Gevolmachtigde Ministers en de bijzondere gedelegeerden zijn bevoegd bij de behandeling in de Tweede Kamer wijzigingen in het ontwerp voor te stellen."

Forsanan bibo den comuni-

dad: Vocifera boso desicion y duna pueblo di compronde si bo organisacion ta para pa un si of no.

Medionan di comunicacion: Cumpliendo cu boso tarea di informa y educa e pueblo duna e pueblo informacion necesario pa independiente por tuma un desicion.

Pueblo: participa na un eventual manifestacion nacional a politico caminda e grito NO por wordo scucha te na e otro banda di oceano Atlantico.

Den contexto di opresion y paternalismo 'ajeno' no dispuesto pa muri por nifica cu bo libertad, valornan propio y derecho di escohencia ta bai perdi!

Skirbi pa Robert Arends

Cambio den pensioen di biehes

Pensioen di biehes (di SVB-Aruba) mester conta di forma INDIVIDUAL pa tur persona cu yega e edad stipula y segun e cantidad di añanan biba na Aruba

Mester caba cu e "DISCRIMINACION" cu tin , ora aplica e actual Ley caminda ta paga dos hende casa (pareha) MENOS cu ta paga dos otro hende (no-casa!).

Ora di cobra e (pago di) prima ta cobra tur hende INDIVIDUAL prima igual sin puntra si e persona ta casa of no ta casa . Dus no ta discrimina entre hende casa of hende so (= no-casa) ora di cobra prima. Anto pakico ta discrimina si (=trata hende hende di forma desigual) , ora di paga e pensioen di biehes di SVB-Aruba mes?

Solucion:

1. Dicidi pa entrante 1-1-2026 paga pensioen di biehes (di SVB-Aruba) na persona INDIVIDUAL cu cumpli e edad rekeri segun Ley y a base di e montante determina pa persona.
2. Ora un pareha -despues di 1-1-2026- no tin suficiente entrada (pasobra ta un so a

yega e edad) ni tin otro entrada of propiedad , e pareha (manera tur otro hende) por acudi na Sociale Zaken pa pidi ayudo financiero di Gobierno a base di e leynan existente.

3. Tur persona cu prome cu 1-1-2026 ta ricibiendo directo of indirecto pensioen di biehes di SVB-Aruba lo keda cu nan derecho y lo sigui ricibi loke e/nan tabata ricibi prome cu 1-1-2026.

Resultado :

A. Ningun persona cu ta ricibiendo pensioen di biehes (di SVB-Aruba) no ta bay atras den entrada.

B. Aplicacion di Ley di pensioen di biehes ta bira super facil (=igual pa tur hende) pa Gobierno (=SVB-Aruba) y lo logra economisacion grandi (dus menos gasto) cu ta na bentaha di tur hende (prima por baha !).

Peticion na Gobierno/SVB-Aruba pa laga haci un estudio (y publica e resultado den prensa local) di e propuesta menciona pa por haci e cambio entrante 1-1-2026.

Aruba mester di accion no di show.

Hapon a lansa un raket di carga nobo pa entrega provision na e Stacion Espacial Internacional

(AP) — E agencia espacial di Hapon a lansa cu exito diadomingo su raket H3 mas poderoso, carga cu un raket di carga nobo sin tripulacion pa su prome mision pa entrega provision na e Stacion Espacial Internacional.

E Agencia di Exploracion Aeroespacial di Hapon (JAXA) a bisa cu e raket HTV-X1 a ser lansa cu exito riba e raket H3 Number 7 for di e Centro Espacial Tanegashima di Hapon den sur di e pais y a confirma cu el a dreña e obhetivo di orbita 14 minuut despues di despegue.

E raket a ser separa y coloca den un orbita plania, JAXA a bisa. Si tur cos bay bon, ta anticipa cu e lo yega na ISS den un par di dia pa entrega provision. E astronaut Hapones Kimiya Yui, actualmente na ISS, mester gara e raket cu un brasa di robot diahuebs mainta tempran.

E HTV-X ta e sucesor di e Vehiculo di Transferencia H-II sin tripulacion di JAXA, conoci como Kounotori, of



“stork” na Hapones, cu a realisa 9 mision na ISS entre 2009 y 2020.

E barco di carga nobo por tuma un carga util mas grandi y suministra poder durante e vuelo, permitiend e transporte di muestranan di laboratorio cu ta rekeri di ta warda na un temperatura abao.

E HTV-X ta diseña pa ser conecta na ISS te cu seis luna pa

entrega provision y recupera sushi for di ISS, despues pa conduci misionnan tecnico mientras ta haci un vuelo orbital despues di bandona e stacion, e biaha aki pa tres luna.

E lansamento diadomingo tambe ta marca un debut exitoso pa e version mas poderoso di e raket H3, cu cuater booster y plachi di metal mas

grandi, un compartimento superior pa carga util, oficialmente a bisa.

E presidente di JAXA Hiroshi Yamakawa a yama e lansamento di diadomingo “un paso mayor pa dilanti” cu a demostra e capacidad di Hapon di entrega provision na espacio, cual ta sirbi como “e base di actividad espacial autonomo.”

Iwao Igarashi, e hefe di e Departamento di Negoshi Espacial na Mitsubishi Heavy Industries, responsabel pa desaroya H3 cu JAXA y opera lansamentonan di raket, a bisa cu e record di Hapon di lansamento na tempo y exactitud den entrega carga util y e raket modifica nobo ta prueba cu nan por acomoda un variedad di necesidad di cliente. El a bisa cu su compania ta plania pa expande su facilidad di lansamento.

E raket H3 ta reemplaza e raket principal H-2A di Hapon cu tabata preferi pa hopi tempo y cu a haci su ultimo vuelo na juni, como un modelo di buque insignia diseña pa ta mas competitivo den costo den e mercado espacial global. E H3 te awor a realisa seis vuelo consecutivo exitoso despues di un intento di debut fracasa na 2023, ora e raket mester a ser destrui hunto cu su carga util.

Hapon ta mira un capacidad di transporte espacial stabiel y comercialmente competitivo como clave pa su programa espacial y seguridad nacional.


Rusia a test un misil nobo cu capacidad nuclear

(AP) — Rusia a test un misil di crucero nobo cu capacidad di ser impulsa door di energia nuclear y adecua pa confundi defensasnan existente, acercando mas na desplega esaki na su ehercito, presidente Vladimir Putin a bisa den comentarionan publica diadomingo.

E anuncio, cual a sigui años di prueba di e misil Burevestnik, ta bin como parti di mensahenan nuclear di e Kremlin, cu a resisti presion occidental pa un alto-al-fuego na Ucrania y a adverti fuertemente na Merca y otro aliadonan di NATO en contra di atakenan di sancion den Rusia cu arma occidental di distancia largo.

Un video publica door di e Kremlin a mostra Putin, bisti den camuflahe, ricibiendo un rapport di General Valery Gerasimov, e hefe di estado mayor di Rusia, kende a bisa e lider Ruso cu e Burevestnik a cubri 14.000 kilometer den un prueba clave diamars.

Gerasimov a bisa cu e Burevestnik, a pasa 15 ora den aire cu poder nuclear, agregando cu “esey no ta e limite.” Poco ta conoci tocante e Burevestnik, cual a ricibi e codigo “Skyfall” door di NATO, y hopi experto occidental tabata dudoso tocante esaki, notando



cu un motor nuclear no por ta hopi confiabel.

Ora Putin a revela pa prome biaha cu Rusia tabata trahando riba e arma den su discurso di estado na 2018, el a declara cu esaki lo tin un rango ilimita, permitiend e biaha rond e globo sin ser detecta door di sistemanan di defensa di misil.

Hopi observador ta argumenta cu un misil asina por ta dificil pa mancha y ta presenta un menasa ambiental. Merca y e Union Sovietico a traha riba

misilnan cu poder nuclear durante e Guera Friu, pero eventualmente nan a warda e proyectonan aki, considerando nan demasiado peligroso. E Burevestnik segun e rapport a sufrí un explosion na augustus 2019 durante pruebanan na un area di marina riba Lama Blanco, matando cinco ingeniero nuclear y dos miembro di servicio y resultando den un aumento corto di radioactividad cu a alimenta miedo den un ciudad cercano.

Oficialnan Ruso nunca no a identifica e arma envolvi, pero Merca a bisa

cu tabata e Burevestnik. “Nos mester determina e posibel uso y cuminsa prepara e infraestructura pa desplega e armanan aki na nos forsan arma,” Putin a bisa Gerasimov.

E lider Ruso tambe a bisa cu e ta invulnerabel pa defensasnan di misil actual y futuro, debi na su rango cu casi no tin limite y su ruta di vuelo impredecibel.

Kirill Dmitriev, un asistente superior di Putin kende tabata na Merca ora e video a surgi, a bisa cu su delegacion a informa coleganan di Merca di e “prueba exitoso” di e Burevestnik, cual el a bisa tabata un “clase absolutamente nobo” di arma.

E Kremlin a bisa cu e maniobranan a involucra tur parti di e triada nuclear di Moscu, incluyendo misil balistico intercontinental cu a ser lansa for di facilidadnan di lansamento na noordwest Rusia y un submarino den Lama di Barents. E ehercicionan tambe a involucra bombarderonan strategico Tu-95 disparando misil di crucero di distancia largo.

E ehercicio a proba e habilidadnan di structuranan di comando militar, e Kremlin a bisa den un declaracion diaranson siman pasa.

Accidente cu 4 auto involvi y 5 hende herida na Palm Beach

Diabierna atardi a drenta informe di un accidente cu hendenan herida na Palm Beach, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda 4 auto ta involvi y 5 hende a resulta herida. Ta trata di un Hyundai Grand i10 cu a sali dilanti auto di Casago pa bay pabao sin a duna preferencia na e Chevrolet Optra biniendo for di pariba y a dal e mand'e bay dal un Suzuki Swift cu tabata bini di direccion contrario cual a manda e Optra



bay banda drechi dal un palo di luz kibra y manda mitar di e palo di luz cay riba un Nissan Pathfinder. Di e 5 heridonan solamente 1 a bay

hospital cu basta dolor y ora ambulance tabata bayendo un otro victima a keha di dolor y a pidi un ambulance p'e tambe.



Bomberonan a bay na Hato pa un candela pero a bin haya 3 otro bulto cla pa kima!

Diabierna atardi a drenta informe di cu tin un candela na Hato cu ta molestiando tur e bisiñanan pabao, mesora a dirigi bomberonan na e sitio.

Na yegada di bomberonan a

bin encontra varios bulto na candela y algun otro cla pa cende. Bombero a tuma contacto cu polis y City Inspector pa nan sigui atendiendo e caso aki y tambe pa boet e doño di e tereno.



Manehador di scooter a bay dal tras di un auto di huur cu a para duna chance na otro auto

Diabierna merdia a drenta informe di un accidente cu hende herida na Boegoeroei, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur bayendo zuid den un Kia Picanto di huur a para pa duna chance na un otro auto pero su tras tabata bini un scooter pasando autonan y aunke el a purba desvia toch



el a dal na e skina patras di e Kia y a cay keda benta na suela. Na yegada di e ambu-

lance nan a atende e motociclista y a transport'e pa hospital.




Polis a detene hoben chauffeur bao influencia cu a bay haci fever riba caminda y a dal auto contrario

Diasabra madruga a drenta informe di un accidente cu hende herida banda di ex-veld di Winston na Santa Cruz, mesora a dirigi tanto polis como ambulance na e sitio.

Na yegada di e patruya a bin compronde cu un hoben burachi a dicidi pa bay haci fever riba caminda y a bay dal riba trafico contrario.

Debi na e impacto e chauffeur den e otro auto a resulta herida. Na yegada di e ambulance nan a atende e victima ken tabata levemente herida.

A penas e auto di e victima tin un siman cumpra y e airbag a deploy. Polis a test e chauffeur di e auto cu tabata haci fever y a detecta cu e tabata bao influencia pues a deten'e.



Auto a pasa riba mucha cu a cay for di bais riba caminda na Noord y a core bay!

Diasabra atardi a drenta informe di un accidente cu hende herida na Noord, mesora a dirigi tanto polis como ambulance na e sitio.

Un dokter pasando eyan a duna e mucha prome auxilio, na yegada di e ambulance nan a atende e mucha y a pon'e den ambulance pa asina transport'e pa hospital. Na yegada di e patruya a cera e caminda ambos banda pa e investigacion. Locual a sucede ta cu e mucha di 14 aña tabata coriendo bicicleta y a



dal abao y despues e chauffeur manehando un Kia Rio Hatchback preto a pasa riba e mucha. El a para baha wak

subi su auto y a bay for di e sitio. Polis tin e caso bao investigacion. E mucha a ser hiba hospital cu urgencia.



Polis a detene hoben chauffeur bao influencia como tambe su amigo cu a bira fresco cu polis

Diasabra madruga durante patruya polis a nota un auto coriendo malo riba caminda, mesora polis a para e auto aki.

Pa cuminsa e chauffeur ta un hoben cu no tin rijbewijs y tabata bao influencia pues mesora polis a deten'e. E amigo cu tabata cune no kier a haci caso di polis ora esaki a dun'e un instruccion pa e hala for di eyan. El a bira fresco y a bisa polis cu polis no por hal'e di eyan y como cu e tabata stroba tra-



bao di polis a deten'e tambe. E hoben aki tabata posiblemente bao influencia tambe. Un amiga cu tabata cu nan si tabata obediente y a bay para na un distancia y a warda po-

lis bin papia cune. El a yama hende pa bin busk'e y nan a busk'e. Polis a hala e auto y a pon'e den parkinglot disponible pa e doño bin busk'e.



Polis a duna chauffeur bao influencia pafu di un bar un lift pa cas na Santa Cruz mes!

Diasabra madruga polisnan atento di Santa Cruz a ricibi informe di cu tin algun hende ta bebe pafu di un bar na Sabana Grandi y un di nan ta basta bebi cu plan di subi auto

bay cas, mesora a dirigi un patruya na e sitio.

Na yegada di e patruya a bisa e hendenan eyfo para cu nan no mag di para bebe pafu di e bar y cu nan mester ta paden.

Nan a topa tambe esun cu kier a stuur pa bay cas y a papia cune cu pa su mesun seguridad nan lo por hib'e su cas. El a acepta y a bay cas cu un lift di e polisnan mes.



Turista Mericano bao influencia cu cel den man a dal den rotonde na Sasaki

Diasabra madruga a drenta informe di un accidente na e rotonde Sasaki, mesora a dirigi un patruya na e sitio.

Na yegada di e patruya a bin compronde cu aki ta trata di un turista Mericano burachi cu a caba di sali f'ey casino cu cel den man a lubida cu e ta yegando rotonde y a bay dal riba esaki. Mirando cu e ta burachi polis a detene e turista aki cu afortunadamente no a resulta herida.



Trump ta impone aumento di 10% riba tarifa contra Canada mientras tension comercial entre ambos pais ta sigui crece

(Infobae) — E presidente di Merca, Donald Trump, a anuncia diasabra un aumento di 10% riba tarifican di importacion pa productonan Canades, intensificando e confrontacion comercial entre ambos pais.

E medida, comunica via e plataforma Truth Social, a bin despues di un campaña di publicidad Canades contra tarifanan di Merca, cu a ser transmiti durante e prome partido di e Serie Mundial di Baseball. Trump a yama e anuncio “fraude” y a critica Ottawa pa no a kita esaki inmediatamente.

E presidente a declara cu e publicidad, promovi door di e gobierno di Ontario, a manipula fragmentonan di un discurso di e ex-presidente Ronald Reagan contra tarifican, cu e supuesto obhetivo di influencia e siguiente revision door di e Corte Supremo di Merca tocante e legalidad di e tarifican imponi door di



su administracion.

E Cas Blanco a confirma e suspension di negociacionnan comercial bilateral cu Canada, parando cualkier progreso den negociacionnan

di antemano pa reduci tarifi-
nan di Merca riba acero, alu-
minium y auto di Canada.

Tocante e origen di e tension,
e controversia ta relaciona na
un aviso transmitti na Merca

door di e provincia di Ontar-
io, dirigi door di prome min-
ister Doug Ford. E anuncio
a usa fragmento edita di un
mensahe di radio di Ronald
Reagan na 1987 criticando e


aplicacion amplio di tarifyan pa via di nan consecuencia negativo riba empleo y comercio internacional.

Segun e Fundacion Presidencial di Ronald Reagan, e video ta usa “audio y video selectivo” y ta manipula, ya cu e no ta reporta cu Reagan a hustifica e tarifanan riba Hapon como un excepcion na su politico general di comercio liber. “E anuncio ta mal representa e discurso presidencial di radio (duna pa Reagan na 1987), y e gobierno di Ontario no a solicita of ricibi permiso pa usa y edita e comentarionan,” e Fundacion, cual ta evaluando opcionnan legal tocante e transmision, a bisa.

Sumando na e escalacion di tension tabata e decision reciente di Canada pa reduci drasticamente cota di importacion liber di tarifa pa e fabricantenan Mericano General Motors y Stellantis, hustificando e medida den decisionnan empresario di e companianan aki pa reduci nan produccion den teritorio Canades.

E endurecemento di e guerra comercial ta coincidi cu e siguiente revision na 2026 di e Tratado entre Mexico, Merca y Canada (TMEC). E presidente di Mexico, Claudia Sheinbaum, a señala cu su gobierno ta keda atento na e evolucion di relacionnan entre Merca y Canada y cu negociacionnan entre Mexico y Washington ta progresando “hopi bon” riba asuntonan di revision di e acuerdo. Segun Sheinbaum, e enfoke di Mexico ta keda riba traha cu ambos partido den TMEC, mientras diferencianan comercial ta persisti den e norte di e continente.

Resultado Sorteo <i>25 y 26 october 2025</i>				
Cadena Alexander Lottery ta presenta resultado di weganan di suerte				
DIARIO		KORSOU	SUPER4	FLAMINGO
3626		3354	2174	2402
3434		9700	SUPER5	1979
7302		1939		6732
DIADOMINGO		KORSOU	SUPER4	FLAMINGO
3918		2773	2379	0346
3333		5437	SUPER5	2407
5829		2580	-	8863
MERDIA		ANOCHI		DIADOMINGO MERDIA
 Sorteo # 4783 7924 4384 6079 MULTI-X x2 BIG 4 Sorteo # 4783 3388 MULTI-X X2 OFF Sorteo # 2839 7081 ZODIAC Sorteo # 4783 7555 Leo LUCKY 3 Sorteo # 1657 408 MULTI-X FP		 Sorteo # 2639 Joker 14 Letter i Proximo Jackpot 210.000,- Sorteo # 8999 Proximo Jackpot 95.000,- Sorteo # 1813 Mega Ball Proximo Jackpot 370.000,- Afl. 500.000,- KORSOU Sorteo #		 Sorteo # 4784 3270 8421 4400 MULTI-X X2 BIG 4 Sorteo # 4784 1123 MULTI-X X2 OFF Sorteo # 2840 7618 ZODIAC Sorteo # 4784 1265 Cancer LUCKY 3 Sorteo # 1658 039 MULTI-X X2
Sorteo # 8684 9543 3677 6595 MULTI-X fp BIG 4 Sorteo # 7728 4596 MULTI-X fp OFF Sorteo # 2433 7926 ZODIAC Sorteo # 6487 7853 Scoprio LUCKY 3 Sorteo # 1417 565 MULTI-X x3		 Sorteo # 4784 Joker Letter Proximo Jackpot 210.000,- Sorteo # 6990 Proximo Jackpot 102.000,- Sorteo # Mega Ball Proximo Jackpot 370.000,- Afl. 500.000,- KORSOU Sorteo #		Sorteo # Joker Letter Proximo Jackpot 210.000,- Sorteo # 6990 Proximo Jackpot 102.000,- Sorteo # Mega Ball Proximo Jackpot 370.000,- Afl. 500.000,- KORSOU Sorteo #
QR Code		QR Code		QR Code





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Sta. Anna : Aloe:
Tel. 586 8181 Tel. 584 4606

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Servicio di Taxi

**Aruba Transfer Tour &
Taxi C.A.**
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Ex oficial di LAPD acusa di asesinato den tiroteo di un homber ambulante cu no tabata arma



(AP) - Un acusacion formal a keda revela diabierna contra un ex miembro di cuerpo policial di Los Angeles den e tiroteo cu a sucede den mei di 2015, cual a resulta den e fayecimento di un homber ambulante na Venice, segun Los Angeles District Attorney's Office a bisa.

Clifford Proctor a declara su mes inocente na un acusacion di asesinato di segundo grado, Los Angeles Times a reporta diabierna.

Brendan Glennm di 29 aña, a fayece durante un confrontacion cu polis pafo di un bar unda el a pleita cu e security, y su nomber a bira un cantico contra tiro di polis na Los Angeles.

E oficina di e Procurador General actual di Los Angeles Nahan Hochman a bisa den un declaracion cu e acusacion ta bini despues cu e procurador general anterior, George Gascon, a reexamina 4 caso di uso excesivo di forza involucrando oficialnan, incluyendo e caso di Proctor.

Hochman, ken a gana contra Gascon den eleccion di november ultimo, lo evalua e caso y dicidi si lo procede cu e persecucion, e declaracion a

bisa.

Proctor su abogado, Anthony "Tony" Garcia, a cuestiona e momento den cual e cargonan t treci dilanti y a nota cu e fiscalnan a nenga acusa su cliente den 2018, segun Times.

Den 2018, Procurador General di e distrito a nenga trece dilanti cargo den su contra, bisando cu no tabatin suficiente evidencia pa comproba cu Proctor a actua fuera di ley ora cu el a usa demasiado forza. Glenn tabata riba su stoma y purbando di pusha su mes ariba ora cu Proctor a los tiro, segun polis. E no tabata purbando di kita un arma for di Proctor ni su partner ora cu el a ricibi tiro, y Proctor su partner a bisa e investigadornan cu e no tabata sa dicon e oficial a los tiro, polis a yega di bisa.

Proctor a renuncia for di Los Angeles Police Department den 2017. E ciudad a paga 4 miyon dollar pa yega un cuerdo den un demanda cu e familiarnan di Glenn a trece dilanti.

Proctor, ken tin 60 aña, ta keda den prison. Su proximo fecha den corte ta dia 3 di november.



Pronostico di tempo

Tempo:

Awe tardi y awe nochi:
parcialmente nubla cu un awasero local

Den marduga y mañan:
parcialmente nubla cu
chance pa algun awasero
local

Temperatura maximo 32
grado celsius

Temperatura minimo 27
grado celsius

Indice di calor (heat index) den y rond di oranan di merdia: 33 pa 40 grado celsius

UV index: 12

Bahada di solo : 6:16 pm
Subida di solo : 6:32 am

Biento:

Modera for di direccionnan entre oost y zuid-oost; forza 3 te 4 (12 te 30 km/ora, 7 te 16 nudo). Durante di dia basta fuerte te posiblemente fuerte den rafaga; Forza 5 te 6 (31 te 50 km/ora, 17 te 27 nudo).

**Situacion general di
tempo pa proximo 24
ora:**

Atmosfera regional ta contene humedad y leve inestabilidad. Esakinan por produci un awasero local durante e periodo di pronostico aki.

**Condicionnan maritim-
mo/estado di lama:**

Na partinan protegi di costa: Keto cu olanan rond di 1 pia.

Na partinan zuid: Trankil te modera cu olanan di 2 pa 3 pia.

Na partinan oost te noordwest di costa: Modera te localmente poco bruto cu olanan alrededor di 4 pa 7 pia.

Aviso/alerta:

Un aviso pa botonan chikito ta na vigor pa partinan oost te noordwest di costa.



Aurora

Royal Pray

Funeral Home & Crematory

"Ki alegria ora nan a bisa mi
Ban cas di Señor Den cas di
Señor lo mi biba trankil
Bo ta mi yudansa i salvador"

A bai laga nos:



**Filomena Helena
Rasmijn-Werleman**
mihor conosi "Mena di Coby"
*18 Augustus 1950 †18 Oktober 2025

Na number di su:

Esposo: † Coby Rasmijn

Yiunan:

† Livino Rasmijn

Richard Rasmijn

† Cesar Rasmijn i famia

Nieto\ a nan: Cesmar Rasmijn, Lino Rasmijn ,
Merybeth Rasmijn

Nieto di crianza: Jah-zion, Jahvion Everon

Mama di nieta\ o nan: Marina Maduro

Bisanieta\ a nieta: Cesmar Junior Rasmijn,
Ajay Rasmijn, Alysha Laats

Mama di su bisanietonan: Margelina Wolf
(yaya)

Mayornan † Maria y † Tony Werleman

Rumannan:

Marina y † Jerry Franken y famia

† Juan y Danny Werleman y famia

† Meta y † Chan Henriquez y famia

Sita y Chemmy Dubero y famia

† Roly Werleman

Dina y Tom Croes y famia

Sylvester (Buchi) y Nevía Werleman y famia

Hellen y Roland Angela y famia

† Frenk Werleman

Rustico (Tico) Werleman y famia

Enrika y Jossy de Cuba y famia

Ricardo (Cadochi) y Erika y famia

Diana y † Calvin Subaran y famia

Omo: Vdo Lucas Geerman y famia

Tanta: Vda Jacenta Geerman y famia

Comer y Copernan y ihanan. Swa y cunanan
den feliz memoria sobrina y sobrino y famia.
Micella, Egber, Martiza, Lucho, Mao, Wandry,
Odalís, Ervin, Eugene, Xiahaira, Irena,
Charlene, Glenn, Merelitz, Cherry, Gwendy,
Gibi, Gerald, Ernan, Yesenia, Rutmila, Jean
Cluad, Thais, Genesis, Jair, Roxane, Natasha,
Ryan, Stefani.

Demas sobrina y sobrino nan di su casa defunto
cu a stima Mena, Primo y primanan, bisña di
Santa Helena y Santa Cruz.

**Oportunidad di duna condolencia y
despedi** di nos Mena stima ta Diamars 28
October 2025 di 2or pa 4or di atardi na Aurora
Funeral Home. Respons ta cuminsa pa 4or
Saliendo despues pa Santa Catolico na Sta.Cruz

Aurora

Royal Pray

Funeral Home & Crematory

El Señor es mi pastor,
nada me faltara.
En lugares de verdes pastos
me hace descansar;
junto a aguas de reposo me
conduce.
Aunque pase por el valle de
sombra de muerte,
no temeré mal alguno,
porque tú estás conmigo.



Jorge Enrique Lora Diaz
"Coco" o "Jorge"
*01 April 1969 † 01 Oktober 2025

En el Nombre de:

Sus Padres: † Marfrady Lora y Alba Maria Diaz

Su Esposa: Carolina Ruiz Valencia

Sus Hijos:

Lina Marcela Lora Roldan y Ayame Teshima

Stefany Lora Ruiz y Miguel Angel Alvarez

Ismael Lora Ruiz

Su Unico Nieto: Eithan Alvarez Lora

Sus Hermanos en Colombia y USA:

Marfrady Lora Diaz y Aileen Mendez en USA

Wilder Fernando Lora Diaz y Maribel Gomez en
Colombia

Martha Lucia Lora Diaz y Arnoldo Valderrama en
Colombia

Sus Subrinos en Colombia:

Jeremy Lora Mendez

Lizmarie Lora Mendez

Karol Yisell Lora Vasquez

Camilo Andres Lora Vasquez

Thaliana Gomez

Angelica Maria Zuñiga Lora

Andres Felipe Zuñiga Lora

Consuegros en Colombia:

Luis Ernesto Ruiz Perdomo y Alba Ruth Valencia
Hoyos

Sus Cuñados:

Luis Ernesto Ruiz Valencia Y familia en Colombia
Isabella Ruiz Valencia y Robert Hernandis

Familia en Aruba:

Mariela Gotze Ruiz y Esposo

Julio Cesar Ruiz

Tias y Tios , Primas y Primos y Demas familia en
Colombia.

Ex-colegas de Ruos Welding , Texas de Brazil, Smart
Manpower, El Tumi, Divi Links, Aruba
Watersport, Hector y Edwin y demás Amigos y
Conocidos.

Nos disculpan si hemos olvidado algún nombre en
nuestra tristesa

"Dios te ha llamado a su lado y ahora descansas en
su eterna paz"

**Invitamos a la ceremonia de despedida que
será** realizado el sábado 01 de noviembre 2025
en Royal Funeral Home de 2 pm a 4 pm.

Aurora

Royal Pray

Funeral Home & Crematory

Na een jaar ziekbed, omringd door familie en
geliefden, is van ons heen gegaan
onze zeer beminde moeder, grootmoeder en
overgrootmoeder:



Leopoldine J. Rijken (Poldy)
*18 December 1941 – †22 Oktober 2025

Kinderen:

Brenda Bouwman & Carlos Vrolijk

Carina Boekhoudt - Croes & Gian Boekhoudt

Kind aan huis:

Henriette Odryzynski - Yarzagaray

Vader van haar kinderen:

Leopold Bouwman

Karel E. Croes

Kleinkinderen:

Nikita Goede – Gravenhorst & Jason Goede

Rakaylee Gravenhorst

Justin Boekhoudt

Gian-Anoir Boekhoudt

Achterkleinkinderen:

Alessandro Werleman

Kianah Vrolijk

Allan-Jay Goede

Elijah Goede

Ouders:

† Johanna en † Jan Alderding

† Alfred Otto Rijken

Broers en Zussen:

Janie & Wouter Herman en Familie

† Nelly & Hans van de Winkel en Familie

Jan & Rina Alderding en Familie

Neef en Nicht:

Willy van Lent en Familie

Frans & Coby van Lent en Familie

Goede vrienden/vriendinnen:

Chuchu en Melva Eman

Florance en Jenny Bouwman

Een speciale dank aan:

Maryori Esther Villa Espinoza

Voor haar goede zorgen en gezelschap

Onze verontschuldigen indien wij door
verdriet vergeten zijn om enige familie te
noemen.

Uitvaart zal plaats vinden op Maandag 27
Oktober 2025 van 2:00 tot 4:00 pm bij Aurora
Funeral Home.

Daarna zal de Crematie in besloten familie
kring plaats vinden.

Aurora
Royal Pray
Funeral Home & Crematory

*Habri portanan santu pa mi,
mi ke drenta y alabá Señor.
Ata e porta di Señor aki,
tur e fielnan ta pasa den dje.
Mi t'alabá bo pasobra B'a skucha mi,
pasobra B'a manda mi salbashon.
Salmo 118: 19-20-21*

Cu inmenso tristesa nos ta anuncia fayecimiento di nos ser stima:



Andres Jose Giel
mihor conoci como: "Papa Andres"
*21-05-1944 †22-10-2025

Acto di entierro lo worod anuncia despues.

Aurora
Royal Pray
Funeral Home & Crematory

*"Dios ta amor... y amor ta Dios,
maske mi no ta na e mundo aki, tur dia lo
mi ta banda
di boso Curazon, mi por stens di loke Señor
ta hasi"
Salmo 33*

Cu dolor na nos curason, nos ta participa fayecimiento di nos ser stima:



Sra. Idaliance Baptiste
Cariñosamente yama "Ida"
*01-05-1958 - †24-10-2025

Acto di entierro lo wordo anuncia despues

Aurora
Royal Pray
Funeral Home & Crematory

*Laga tur loke ta spera mi ta bunita
Laga tur locual cu mi encontra na caminda
ta bunita
Laga tur locual cu mi laga atras keda
bunita y
Laga esakinan termina den tur buniteza.
Cado Wever.*

Cu dolor na nos curason, nos ta anuncia fayecimiento di:



Kevin Carl Valentino Curiel
Taxi 45

Acto di entierro lo wordo anuncia despues

Aurora
Royal Pray
Funeral Home & Crematory

*Lagrima y flornan por seca, su recuerdonan
y tur loke el a haci y significa pa nos, lo keda
graba pa semper den nos mente y curason.
"Cerca Dios mi alma ta na paz, ta di DJE
mi salbacion ta bin"
Salmo 62:1*

Cu dolor na nos curason, nos ta anuncia fayecimiento di:



Sra. Rosa Trimon-Dijkhoff
*26-11-1931 †24-10-2025

Acto di entierro lo wordo anuncia despues.

Alcalde di Istanbul deteni lo ser interoga tocante cargonan di spionahe



(AP) - Instabul su alcalde elegi, Ekrem Imamoglu, a ser hiba e ciudad su cas di corte principal diadomingo pa enfrenta interrogacion como parti di un investigacion nobo lansa tocante posible cargonan di spionahe.

Centenares di su sostenedornan a reuni pafo di un demostracion di sosten pa e oposicion di politiconan considera di t un rival di Presidente Recep Tayyip Erdogan.

E investigacion di spionahe, lansa dos dia atras, ta centra riba supuesto conedion entre Imamoglu su campaña politico y un homber cu a detene den juli ultimo acusa di conduci actividadnan di inteligencia di parti di estadonan den exterior. Imamoglu su ex manager di campaña, Necati Ozkan, y reprotero Merdan Yanardag ambe ta enfrenta interrogacion como parti di e investigacion.

Wanta den detencion prome cu su huicio desde maart pa cargonan di corrupcion cu e ta nenga, esaki ta marca e prome biaha cu Imamoglu a sali for di Istanbul su prison Marmara, pafo di Istanbul den 7 luna.

Criticonan ta mira su detencion - conhuntamente cu esun di otro alcaldenan di e oposicion principal Republican People's Party, of CHP, como parti di accion contra oposicion, cual a mira ganashi grandi den aña pasa su eleccion local. Varios di municipio opera pa CHP a enfrenta olanan di detencion durante e aña.

Centenares di sostenedor a reuni pafo di cas di corte pa muestra solidaridad. CHP su presidente Ozgur Ozel a dirigi su mes na e audiencia, bisando cu "mientras e interrogacionnan aki sigui, mientras e crueldad aki sigui, mientras e opresion aki sigui, nos lo lucha di manera democratico - sin causa daño na ningun hende y sin permiti ningun hende trapa riba nos dignidad."

Faruk Lilic, un electricista di 26 aña, a bisa The associated Press cu el a uni e manifestacion pa protesta contra loke e ta yama inshusticianan contra Imamoglu.

"Mi ta kere cu e inhusticianan aki nunca lo para, pues mi lo duna mi sosten te final," el a bisa.

Imamoglu su detencion den maart a causa protesta den henter e nacion. Erdogan su gobierno ta insisti cu Turkia su hudiciario ta independiente y cu e investigacionnan ta estrictamente enfoca riba corrupcion.



OOPS... WE'VE STARTED EARLY

27TH OCTOBER - 1ST NOVEMBER



Save AWG201
TCL
55" 4K UHD ANDROID
GOOGLE TV V55V6CA
**NOW
AWG699**
WAS AWG 899.99



Save AWG201
TCL
65" 4K QLED UHD
SMART TV 65P7K
**NOW
AWG1199**
WAS AWG 1399.99



Save AWG101
TCL
43" QLED
ANDROID
GOOGLE TV 43S5KA
NOW AWG499
WAS AWG 599.99



Save AWG201
SAMSUNG
3.1CH DOLBY AUDIO
SOUNDBAR
SUBWOOFER
HW-B650/ZP
**NOW
AWG699**
WAS AWG 899.99



Save AWG760
FLOWERMOUND
RECLINING
LOVESEAT
2060586
**NOW
AWG1599**
WAS AWG 2359



Save AWG760
FLOWERMOUND
RECLINING SOFA
2060588
**NOW
AWG1799**
WAS AWG 2559

**NOW WHEN YOU SHOP, GET CREDIT AT THE CASH PRICE
25% OFF YOUR INTEREST RATE ON ALL PLANS**

PLUS FREE DELIVERY
FOR CREDIT CUSTOMERS
LIMITED TIME. SHOP NOW.

NO HIDDEN FEES | NO COLLATERAL | APPROVAL IN 24 HOURS

Promotion Ends November 1st, 2025. Conditions Apply.





569-2407
AMC EAGLE MEGASTORE

HORARIO: 9am - 6pm DIALUNA PA DIASABRA



Rusia ta ataca Kyiv cu drone, matando 3 y heridando 29

(AP) — Rusia a ataca e capital di Ucrania cu drone, matando tres hende den nan cas, segun autoridadnan a bisa diadomingo mainta.

Por lo menos 29 hende a keda herida, 7 di nan mucha, den e di dos atake nocturno consecutivo riba Kyiv cu a reclama bida di ciudadano. E minister di Asunto Interior di Ucrania Ihor Klymenko a bisa cu un hoben di 19 aña y su mama di 46 aña tabata entre esnan asesina.

Drone Ruso a causa candela den dos edificio residencial den e distrito Desnianskyi di e capital. Team di emergencia a evacua ciudadanonan for di un edificio di 9 piso y un di 16 piso, a paga e candela y a limpia e escombros.

Rusia a ataca Ucrania cu 101 drone durante diadomingo anochi, segun e forza aereo di Ucrania, unda 90 a ser tira abao y neutralisa. Cinco drone a golpia cuater sitio y restonan di drone a cay riba cinco otro luga, e declaracion a bisa. E atake a bin un dia despues



cu misil y drone Ruso a mata cuater hende, incluyendo dos na Kyiv, loke a provoca suplicanan di presidente di Ucrania Volodymyr Zelenskyy pa sistemanan di defensa aereo occidental.

E ministerio di Defensa di Rusia a reclama diadomingo cu durante e dia prome, su forsan a ataca facilidadnan energetico y infraestructura di ferocaril cu ta sirbi e esfuerso di guerra di Ucrania, y tambe otro blanconan militar manera puntonan di despliegue di tropa y un fabrica di drone. E no a comenta especificamente

riba atakenan riba Kyiv, ni riba e victimanan ciudadano reporta pa Ucrania.

Den e region Bryansk di Rusia cerca di Ucrania, dos ciudadano a ser hospitalisa siguiendo atakenan di drone di Ucrania, segun e gobernador regional Alexander Bogomaz. Por lo menos 26 drone di Ucrania a ser tira abao den zuidwest Rusia diadomingo, segun e ministerio di Defensa na Moscu. Na otro luga, presidente di Rusia Vladimir Putin a bisa cu e pais a test un misil nobo cu poder atomico cu por carga un warhead nuclear y confundi

defensanan existente, segun comentarionan publica diadomingo.

E anuncio, cu a sigui añas di prueba, ta bin como parti di mensahenan nuclear di e Kremlin, cu a resisti presion occidental pa un alto-al-fuego na Ucrania y a adverti Merca y otro aliadonan di NATO en contra di atakenan di sancion profundamente den Rusia cu arma occidental di distancia largo.

Mas tempran den siman, Putin a dirigi chercionan di e forsan nuclear strategico di

Rusia cu a presenta lansamentonan di misil di practica. E ehercicio a bin mientras su cumbre plania riba Ucrania cu presidente di Merca Donald Trump a ser posponi, e ultimo cambio den e esfuerso di Trump pa resolve e guerra.

E vocero di Kremlin Dmitry Peskov a bisa den comentarioman graba diasabra cu un fecha pa e cumbre no a ser acorda, y cu Trump tabata esun cu a pospon'e despues di sugeri inicialmente cu e por a tuma lugar prome di fin di e luna.

Pero Peskov a insisti cu e cumbre no a ser cancela, y a bisa cu sancionnan reciente di Merca en contra di e companianan di petroleo mas grandi di Rusia no ta un motibo pa bandona dialogo.

"E presidentenan no por reuni pa e motibo di reuni; nan no por perde nan tempo, y nan ta papiando publicamente tocante esey," el a bisa den un entrevista cu television di estado Ruso transmiti diadomingo, describiendo negociacionnan di paz como "un proceso complejo."

**NOW WHEN YOU SHOP,
GET CREDIT AT THE CASH PRICE**

25% OFF YOUR INTEREST RATE ON ALL PLANS

PLUS

FREE DELIVERY
FOR CREDIT CUSTOMERS

LIMITED TIME

VISIT US TODAY.



**BUY NOW
PAY US LATER**



AMC UNICON MEGASTORE
569-2407

AMC UNICON SAN NICOLAS
568-9070

Horario: 9am - 6pm
Dialuna pa Diasabra